

**ADUENTORIA
CAUSIDICO
DIUIONENSI
ADUERSUS AMICI
AD AMICUM...**

Jacques Sirmond



7
2-c
51

63
F



Ex Bibliotheca
majori Coll. Rom.
Societ. Jesu

7.-2. c. 51.

63 63
C C
64 21

ADVENTORIA

CAV.SIDICO

DIVIONENSI

Aduersus Amici ad Amicum Epistolam,
De suburbicariis regionibus & Ecclesiis.

Cum CENSURA VINDICIARVM
 Coniecturæ alterius Anonymi.

Auctore IACOBO SIRMONDO Societatis
 IESV Presbytero.



Coll. Rom.

Car.



*Loc. Jesty
 Insuper.*

B. PARISIIS.

S.

Ex Officina Niuelliana.

Sumptibus SEBASTIANI CRAMONEST
 via Iacobæa, sub Ciconiis.

M. DC. XX. 4

Cum Priuilegio Regis.



134. 00.
134. 00.

134. 00.
134. 00.

2

2



LECTORI.



MIHI dubium non erat,
cùm Censuram nostram
ederem in lucem, quin ut
malorum graminum sem-
per vberior est seges, pro vno li-
bello contrarij plures statim emer-
gerent. Nec fefellit expectatio.
Prodiere mox bini vno iugo, A-
mici ad Amicum Epistola, & Vin-
diciæ Coniectoris. Quorum vtri-
que etsi hoc commune est, quòd
pugnant ipsi secum, atque inter se
mutuò, & recti nihil dicunt: ut quod
de numeris Platonici Aristoteles
scribit, de his meritò pronuntiare

LECTORI.

liceat: *ταῦτα δὲ πρῶτα ἀλογα, καὶ μάχεται αὐτὰ ἑαυτοῖς, ἔτι πῶς ἀλόγως.* tamen si vitiosæ scriptionis palma cuiquam tribuenda est, hanc sine controuersia auferet Epistolæ auctor: homo, si verba spectes, hiberna pica loquacior; si sententias, Simonidis seruorum similis, qui ἐν αὐτοφώρῳ deprehensi, cū ad sui defensionem multa funderēt, ὁδὸν ὑμέας, ἢ πιθανόν, nihil consentaneum, aut verisimile causabantur. Ita enim Amicus iste, infelicis causæ patronus, tota sua dissertatione nihil minùs agit, quàm quod agit: quæ tueri vult, impugnat, quibus contradicit adstipulatur, aliorum dicta non intelligit, in suis allucinatur, in vtrisque vel inertiam suam prodit, vel αὐθάδην. vt de tam verbosa atque inani eius oratione verius dici nihil queat, quàm Σιμωνίδου μα-

LECTORI.

πρὸς λόγους. Et tamen hic ille est triū-
 phator, si ipsum de se loquentem
 audias, qui semper veris vincere Pag. 79 21.
 consuevit, qui dissutis malis pro- 27 30.
 stratos hostes ridet, & cū incalue-
 rit, suo illos gladio iugulat, ac ve-
 lut piper miseros pistillo contun-
 dit. Huic ego Pyrgopolinici ne su-
 bitò responderem, datum est pre-
 cibus fautorū eius, id opinor à me
 contendendum, vt plenis illi tan-
 tis per & liberis gloriolæ suæ pen-
 nis pasci liceret. Ne diutius nunc
 differam, facit amicorum conte-
 statio, qui silentium hoc nostrum
 non indulgentiam, sed *ἀμνηστία*
 illos interpretari monent. Statui
 ergo huic etiam nunc tandem, cū
 aduentare ad nos dicitur, aliquid
 reponere, & aduentoriam offerre.
 Sed confusæ atque hiantis Episto-
 læ, in qua quid cum alio cohæreat,

LECTORI.

quorsúmve dicatur, non facile apparet, priùs certa quædam distinguenda fuerunt capita, ex quibus quid ille doceat, quid nobis dedocédum sit, intelligatur. In quo quidem, quòd singula, quæ contra nos vim aliquam habere videbátur, fide bona expressi, candorem nostrum agnosceret; quòd alia, quæ redargui similiter poterant, multa prætermisi, pudori suo consultum putabit, ne si omnia persequerer, in omnibus erubesceret.

ECLOGE PRÆCIPVORVM
CAPITVM EPISTOLÆ
Causidici, quæ singula deinde
in Aduentoria discutiuntur.

P A R S I.

De regionibus suburbicariis.

CAPVT I.

Omne illud spatium extra urbem Romanam centesimo milliario circumscriptum, quod totam Præfecti urbis iurisdictionem ambitu suo claudebat, Romana regio dicitur in antiqua Inscriptione. Quod coloniis territorium, hoc Urbis Romanæ Regio urbicaria vel Romana: intra cuius scilicet fines Præfecto Urbis iurisdictionem exercere licebat.

CAP. II.

Italiæ regiones aliæ fuerunt urbicariæ, quæ scilicet intra Centesimum continebantur; aliæ annonariæ, quæ extra Centesimum erant. Annonariæ proprium Italiæ nomen sibi fecerunt. Quare Italia

& annonaria regio idem est apud Trebellium in Tetrico, vbi nullam vrbicariam in Italiae regionum enumeratione commemorat. Annonariae ab annonariis functionibus dictae.

C A P. III.

Pag. 15. 16.

Pag. 12. 13.
14.

Suburbicarias dici non posse omnes prouincias quae Vicario Urbis in Notitia tribuuntur, cum in his solum Picenum suburbicarium appelletur. Sicilia rursus, quae sub Vicario Urbis erat, à suburbicariis regionibus distinguitur L. I X. Cod. Theod. *de extraordinariis muneribus*. Quare ab illis diuersa est.

C A P. IV.

Pag. 12. v. f.
que ad 39.

Italiam proprie dictam non eas solum prouincias amplecti quae Vicario Italiae parebant, sed omnes prorsus quae erant extra Centesimum. Synodus enim Sardicensis Campaniam, Apuliam, & Calabriam ab Italia non distinguit: nec se iungi ab ea possunt, cum angustiores sint, quam vt separatae prouincias constituant, & cum prouinciae Romanae non attribuantur, necesse est vt Italiae nomine comprehendantur.

CAP. V.

Suburbicariæ prouinciæ omnes sunt P. 40. 41.
&c.
intra Centesimum, nec vlla intra Centesimum quæ suburbicaria non sit. Suburbicariæ autem numero sunt quatuor, Picenum suburbicarium, Tuscia suburbicaria, Latina regio, & Valeria. Hæ quatuor prouinciæ Urbanæ præfecturæ diocesim constituebant.

P A R S II.

De Ecclesiis suburbicariis.

CAP. I.

Ecclesiæ suburbicariæ apud Rufinum accipi aliæ non possunt, quàm quæ suburbicariis prouinciis continentur. Vagam alioqui & incertam fore illarum significationem; cùm à Synodo Nicæna certi fines vt Alexandrinæ, sic etiam Romanæ diœcesis constituti sint. In Ægypti voce nulla est ambiguitas. quare nulla esse debet in suburbicariis.

CAP. II.

In Synodo Calchedonensi non quatuor, sed tres tantùm Episcoporum gra-

duſ designati , quia Exarchus idem eſt
quod Patriarcha : & Zonaras auctor eſt
Exarchos in eo Canone à quibuſdam ex-
poni Patriarchas, ab aliis Metropolitas.

C A P. I I I.

Pag. 60. & 61 Patriarchæ totidem ſunt quot Exar-
chi, quia iidē ſunt. Hinc Patriarchis diœ-
ceſes tribuuntur, ſicut Exarchis. Malè
igitur ab Exarchis diſtinguuntur.

C A P. I V.

Pag. 65. Sedes & *θρόνοι* non magis conueniunt
Patriarchis, quàm Metropolitanis. Ro-
manus Episcopus Italiæ primas dici non
poſteſt. Primates in Africa ſoli Metro-
politani. In Gallia dicti etiam Patriarchæ.
Itaque à Patriarchis diuerſi non ſunt.

C A P. V.


Patriarcha Occidentis Papa dici non
poſteſt, nec Occidens ſpecialis eius diœ-
ceſis. Suburbicariæ Eccleſiæ apud Ruſi-
num exponi Occidentales non poſſunt,
non magis quàm ſi Romanas dixiſſet.
Græculi ſunt qui Papam faciunt Patriar-
cham Occidentis, & nihil illi in Oriente
concedunt. Quare teſtes produci non de-
bent.

PERIOCHE SINGVLO-
RVM CAPITVM ADVEN-
torix, quæ singulis Epistolæ ca-
pitibus ordine respondent.

PARS I.

De regionibus suburbicariis.

CAP I.

 EGIO Romana pro tractu, qui ex-
tra Urbem Romam centesimo la-
pide circumscribitur, nusquam usur-
pata. Nolana Inscriptionis vera interpreta-
tio. Territorium Urbis Romæ ad centesimum
usque lapidem non porrigebatur, sed agri Ro-
mani finibus, hoc est paucis ab Urbe millibus
claudebatur. quo etiam spatium terminabatur
Præfecti urbis propria iurisdictio.

CAP II.

*Italia in urbicarias & annonarias regio-
nes diuisio reiecta. Trebellij locus à Causidico
perperam expositus. Enumerari à Trebellio
regiones omnes Italia, etiam quæ intra Cen-*

tesimum. Nec Italiam propriè dictam omnia amplecti, quæ sunt extra Centesimum, nec suburbicarias eas tantum, quæ intra Centesimum. Annonariorum etymum refellitur.

CAP. III.

Suburbicarias rectè dici provincias quæ ab urbis Vicario regebantur. Cur solum Picenum in Notitia suburbicarij cognomen gerat. Causidicus suo ipsius argumento reuincitur. Sicilia item cur interdum seorsim ab urbicariis nominetur, veram in Censura causam esse allatam. Sicilia eadem alibi urbicariarum nomine comprehensa. Quare ab illis minimè diuersa.

CAP. IV.

Specialis Italia non amplius quàm septem provincias complexa, quæ à Vicario Italia administrabatur. Ideo ab Italia Campaniam, Apuliam, Calabriam secludunt cum Athanasio Synodi Sardicensis & Arelatensis. Diluuntur ridicule Causidici obiectiones, idemque ἀπλοχίας conuincitur.

CAP. V.

Suburbicaria omnes non sunt intra Centesimum. Secum pugnat Causidicus, qui Umbriam suburbicariam esse negat, quæ tamen est intra Centesimam. Latina regio inter pro-

uincias nunquam habita, Valeria ultimis tantum temporibus. Prouincia omnes Urbis vicina non ad Praefecti, sed ad Vicarij Urbis administrationem pertinebant.

P A R S II.

De Ecclesiis suburbicariis.

C A P. I.

SUBVRBICARII notio pro rerum ad quas refertur varietate laxior vel angustior. Quare falsum, Ecclesias suburbicarias latius patere non posse quam prouincias. Suburbicaria Ecclesia quanam essent Rufini aetate notum erat. Synodus Nicana Episcopi Alexandrini diocesim definiuit, non Romani. Aegypti vox non minus anceps, quam suburbicarij.

C A P. II.

Synodus Calchedonensis quatuor Episcoporum gradus manifestè distinguit. Exarchos appellat non Metropolitae, aut Patriarchas, sed eos qui gradu inter utrosque interiecto diocesim integras regebant. Exarchorum nominis varia usurpatio. Exarchi praeter legitimos quidam adscitij & honorarij.

CAP. III.

Patriarcha propriè dicti non plures quàm quinque. Patriarcharum nomen aliquando commune fuit etiam Exarchis: postea primariis tantum sedibus tributum. semper tamè inter hos gradus fuit discrimen. Quare meritò distinguuntur. Exarchorū in Oriente iura ad Constantinopolitanam sedem fere translata.

CAP. IV.

Sedes & ὁρῶνι propriè dicti quinque Patriarcharum. Primatis nomen ex aduersarij placitis Pontifici Max. non negandum. Discrimen ciuiliū & Ecclesiasticarum administrationum. Africa olim unica prouincia, post multæ, quarum primas Episcopus Carthaginiensis. Primates in Occidente appellati etiam interdum Patriarchæ. omnes tamen diuersi ordinis, & longo semper interuallo post Romanum.

CAP. V.

Patriarcha in Occidente ἡγέρ' ἐξοχὸς solus Pontifex. Specialis eius diœcesis Occidens, pars vniuersalis. Suburbicariæ, & Romanæ, & Occidentis Ecclesiæ, cū de Patriarchatu Romano agitur, eadem sunt. Græci ante schisma supremam in vniuersa Ecclesiâ Pontificis Romani potestatem agnouerunt.





ADVENTORIAE

PARS PRIOR


DE REGIONIBVS
suburbicariis.

CAPVT I.

Regio Romana pro tractu qui extra urbem Romam centesimo lapide circumscribitur nusquam usurpata. Nolana inscriptionis vera interpretatio. Territorium urbis Romae ad centesimum lapidem non porrigebatur, sed agri Romani finibus, hoc est paucis ad Urbe millibus claudabatur. quo etiam spatio terminabatur Praefecti urbis propria iurisdictio.

VRBICARIAM Praefecti urbis diœcesim, quæ ad centesimum usque lapidē excurrat, & quatuor prouincias com.

A



plectatur, friuolum atque inane Coniectoris commentum fuisse, satis opinor in Censura nostra probatum est, cum ostendimus Prefectum vrbi non prouincialem, sed urbanum esse magistratum, cuius proinde administrationi Vrbs, vrbisque termini, non diœceses competant, aut prouinciæ. Nondum tamen, vt sentio, persuadere tibi veritas potuit, qui hoc primû loquacissimæ Epistolæ tuæ caput facis, vt diœcesim hanc adstruas, doceasque, quod nulli adhuc in mentem venerat, illam ipsam esse, quæ in antiqua Inscriptione regio Romana nuncupetur. Ita quam Coniector longis ambagibus diu frustra quæsierat, in ipso statim disputationis ingressu feliciter inuenisti. Quid restat nisi, vt cum plausorum tuorum grege triumphum

ducas, & quod in Ifiacis cani solebat *ἐρήχαιον* exclames? At ego te si Romanam hanc regionem nihil ad tuam istam diœcesim facere docuero; tum si ad eiusce diœcesis regionisque fines, hoc est ad centesimum lapidem, vrbis Romæ territorium non pertinuisse, vt scribis, sed vtrumque absurdum falsumque esse demonstraro, nunquid causæ erit, quo minuste in limine ipso imegisse, ac temerè bis lapsum esse confitere? Age ergo, Inscriptionem recita quam laudas.

POLLIO IVLIO CLEMENTIA- Pag. 6.

NO SVBVENTORI CIVIVM VNIVERSA REGIO ROMANA STATVAM COLLOCAVIT. Hîc tu regionem Romanam interpretaris tractum illum, qui extra urbem intra vrbis Romæ fines erat. Quid absurdius? Recognosce vbi & cui

Inscript.
antiq.
P. 1115.

posita sit statua, & errorem intelliges. Nolæ enim, & Nolano ciui positam non ignoras, à nobis didicisti. Vnde enim hanc Inscriptionem mutuatus es, nisi à Grutero? Gruterus autem vbi exstare illâ testatur, nisi Nolæ? à quo descriptam, nisi à Sirmondo? Sirmondus ergo est, qui vidit, qui legit, qui exscripsit. Cui nunc fucum te facere posse confidis? Nam si Nolæ Nolano ciui posita est statua, quonam beneficio Romanos, Etruscos, Vmbros, Samnites, Campanos, quotquot centesimo perstringuntur, à Nolano ciue affectos censes, vt statuam ab vniuersis mereretur? Nugæ sunt, quas fingis. Regio Romana in lapide illo non Romani agri, sed Nolanæ vrbis est regio. Nam vt Roma in quatuordecim, sic Nola in sex olim regiones di-

uifa est. Harum vnā Romanam dictam fuisse Inscriptio tua docet; alteram (si tamen altera, & non eadem est) Iouiam appellatam discimus ex altera statuæ basi, quæ Nolæ itidem priori coniuncta legitur his verbis.

CLEMENTIANO

POLLIO IVLIO

CLEMENTIANO V. P

PATRONO INIMITABILI

LARGISSIMO CVIVS FACTA

ENARRARI NON POSSVNT

EIVS MEMORIAE REGIO IOVIA

STATVAM CENSUIT.

Nolæ vnā atque eandem regionem tum Romanam, tum Iouiam appellari potuisse, nec tu, ni fallor, repugnabis, si, quod antiquæ pariter Inscriptiones docent, meminervis Cularone, hoc est Grati-
 anopoli in finibus Allobrogum,

Grut.
p. 167.

portam Romanam Iouiam, & portam Viennensem Herculeam, à Diocletiano & Maximiano Imppp. vocari iussas : vt quod portis hîc contigit, vt nomen mutarent, idē Nolæ regionibus euenisse nihil vetet. Cæterum vt Gratianopoli Romanam olim portam fuisse qui audit, ridiculus esset, si de Romanæ vrbis porta suspicaretur : sic tu cùm in Nolanis monimentis regionē Romanam leges, caue aliud deinceps, quàm Nolanæ vrbis partem intelligas; & tuam ipsius fortem diffutis, si libet, malis nunc ride, qui vetustam Inscriptionem ad hoc tantùm produxisse videris, vt prauæ eius interpretatione ἀποστέλλας, oscitantiamque tuā, tanquā in cippo & columna proscriberes.

Pag. 6.7.

Iam verò quòd de vrbis Romæ territorio ita differis, vt eius spa-

tium ad centesimum vsque lapidem exporrigas, in hoc etiam non leuiter castigandus es: tamen si veniam fortasse aliquam ideo mereris, quia huius erroris ducem non vnum habes Coniectorem, sed multos præterea ingenio & doctrina præstantes viros: qui cum Præfecto vrbi tributam intra centesimum notionem aliquam viderent, eò inducti sunt, vt Urbis terminos ad cētesimum lapidem pertinuisse existimarent. Sed ignoscēt Iurisconsultorum manes, vt qui nostris plerumque non abstinent, sua per nos tractari tantisper ferāt. Malè omnino ratiocinari eos necesse est, qui ex magistratus oppidi cuiusque potestate de territorij ambitu coniiciunt: cum ex territorij potius finibus, quoad se magistratus potestas & iura porrigāt,

A iiij

colligi debeat. Quid enim? Si ex Præfectura vrbis Romani territorij petenda sunt spatia, nullumne ante Augustum, qui Præfectos instituit, Romanæ vrbis territorium dices fuisse? aut si propterea quòd de criminibus, quæ intra centesimum admissa essent, Præfectus vrbi iudicabat, ideo Vrbis terminos ad centesimum produci placet, cur non itidem, quia de controuersis Senatorum, quæ per provincias inferebantur, Præfectus idem Valentiniani lege 111. Cod. Theod. *De iurisdictione* cognoscebat, eosdem Vrbis & prouinciarum omnium terminos fuisse decernamus? At hæc absurda sunt & insulsa. Alio igitur ex capite Romani territorij fines constituendi: ex agri nimirum Romani finibus ac terminis. Quid enim aliud est

territorium Pomponio L. CCXXXIX.
De verborum significatione, quàm vni-
 uersitas agrorum intra fines cuius-
 que ciuitatis? Romani autem agri
 fines haud illi certè longinqui, nec
 latissimè patentes fuerunt. quippe
 qui vicinorum vndiquaque Latij
 vel Etruriæ oppidorum agris val-
 labantur, Ostiensi, Ardeate, Lanu-
 uino, Albano, Tusculano, Gabi-
 no, Veiente, Cærite, & si qui præ-
 terea interiecti. Horum enim op-
 pidorū, quæ dixi, nullum est quod
 viginti passuum millibus Roma
 distet, sunt quæ decimū, aut duo-
 decimum non excedant. Quo ex
 spatio si tantum agri detrahas,
 quantum singula cuiusque oppidi
 territoria occupabant, modicos
 omnino agri Romani fines fuisse
 comperies. Hoc igitur Romæ ter-
 ritorium fuit, quo legitima Præ-

fecti vrbi potestas terminabatur. Hi Urbis termini Vlpiano, quos Præfectus cùm exierit, potestatem non habet, L. vltima D. *De officio Præfecti vrbi*. non qui intra centesimum lapidem, vt plerisque visum est, sed qui agri Romani finibus continentur. Vt enim Prætoris verbi gratia Tusculani potestas agri Tusculani terminis coerceretur, eodemque modo municipiorum, coloniarum, oppidorum omnium magistratus suo quisque territorio se continebant: ita Præfecti vrbi propria & iure magistratus congruens administratio Romani territorij fines egressa non est. Proinde quicquid Præfecto extra hos cancellos, aut intra Centesimum, aut per Prouincias concessum est, id illi non iure magistratus, sed speciali Principum volun-

tate tributum fuisse cēsendum est. Quomodo & apud legum Mosai-
carum Collatorem Tit. xiv. Vl-
pianus idem constitutionibus cō-
peruentum suo tempore obseruat,
vt Romæ Præfectus vrbi solus co-
gnosceret, si quid in legem Fauia
intra miliarium centesimum ad-
missum esset. Vide nunc ergo quā-
tū summæ tuæ desit, qui Romani
agri fines perpaucis ab Vrbe mili-
bus circumscriptos ad centesimū
vsque lapidem ampliari; atque
integras non dicam colonias &
præfecturas, sed si tibi, Coniecto-
rique tuo credimus, suburbicarias
omnes prouincias vno Urbis terri-
torio ac terminis exhaustas ve-
lis: tum Præfecto vrbi quid pro-
prio iure competat, quid specia-
li lege tributum sit, non distin-
guas. Adeo vno in capite non

vna, sed multiplex tua est hallucinatio.

CAPVT II.

Italia in urbicarias & annonarias regiones diuifio reiecta, Trebellij locus à Causidico perperam expositus. Enumerari à Trebellio regiones omnes Italia, etiam quæ intra Centefimum. Nec Italiam propriè dictam omnia complecti, quæ sunt extra Centefimum, nec suburbicarias eas tantùm, quæ intra centefimum. Annonariarum etymum refellitur.

EXPLODENDA nunc est Italiae Prouinciarum diuifio, in qua te paffim & iactanter ostentas, hoc fortaffe confidentiùs, quòd prolatam, laudatamque à Coniectore tuo intactam in Cenfura nostra reliqueram. Italiae, inquis, regiones, feu prouinciæ, aliæ annonariæ, aliæ suburbicariæ fuerunt.

Suburbicariæ quatuor tantum, cæ-
que intra centesimū ab Vrbe mil-
liarium: reliquæ omnes annonariæ,
nomen id ex eo nactæ, quia
functiones annonarias pensabant,
à quibus immunes erant suburbicariæ. Hæc illius, ni fallor,
orationis est summa: hæc tua quoque,
nisi quid ab illo discrepas, est
sententia. Cuius quidem, vt lenis-
simè dicam, quot sunt capita, tot
errata. Et tamen falsæ assertionis
vindex, auctórq; producitur Tre-
bellius Pollio, cum in Tetrico se-
niore de Aureliano scribit his ver-
bis: *Pudore victus vir nimium seuerus,
eum quem triumphauerat Correctorem
totius Italia fecit, id est Campaniæ, Sam-
niæ, Lucania, Brutiorum, Apuliæ, Ca-
labriæ, Etruriæ atque Vmbriæ, Piceni
& Flaminia, omnisque annonariæ re-
gionis. Sed quid habet hic locus,*

quod errori tuo patrocinetur? Cui enim persuadebis, Pollionē, cū totam Italiam Tetrico commissam dicat, atque omnes eius Prouincias enumeratione sua comprehendat, non tamen Italiam totam intelligere, neque omnes illius Prouincias designare, sed tantummodo annonarias? Aut quis tibi concedet, scriptorem non omnino malum tam putida vsum esse tautologia, vt paucis & cōtinuatis pene verbis idem repetat, hoc est, Tetricum Italiæ Correctorem factum bis dicat; quod fieri necesse est, si vnum, quod ais, atque idem est Italia & annonaria regio? Quodnam ergo dices inter ista discriminē? Quasi obscurum id sit, ac non potius ita obuium & apertum, vt ab iis etiam, qui parum acutos se natos gaudent, videri possit. Quæro

enim ex te, si de Turonensi Antistite, quibusnam ciuitatibus Metropolitanis iure præsit, ita me loquentem audias, vt dicam illum Tertiæ Lugdunensi vniuersæ, hoc est Cenomannicæ, Andegauensi, Redonicæ, Nanneticæ, omnibusque Britânicis ciuitatibus præesse: an verba mea sic accipies, vt Tertiâ Lugdunensem, & Britannicas ciuitates idê esse, aut Cenomannos etiam, atque Andegauos Britannicarum gêtium numero adscriptos censeas? Si bene ingenium tuum metior, non tam peruersè iudicabis: sed hoc potius ita statues, in hoc Turonensis Prouinciæ ciuitatum catalogo, cùm ad eas ventum esset, quæ in Britanni sitæ sunt, & aliæ quæ sequebantur, eiusdem generis omnes essent, adiectam fuisse notam, quæ reliquas omnes

nexas, totius Italiae regiones complecti. Aliud proinde annonarias, aliud totius Italiae regiones esse. Hæc nimirum plana atque expedita erat Trebellij verborum interpretatio. Tu verò ut Trebelliū in partestrahas, & suffragium exprimas ab inuito, commenta illi affingis tua, tecumque non absurda modò, sed pugnantia etiam loqui cogis. Quid enim? an non pugnant ista secum, annonarias regiones in Italia dici quæcumque sint extra centesimum, & Umbriam tamen inter annonarias numerari, quæ intra centesimum continetur? Suburbicarias rursus eo spatio definiri, quod centesimo terminatur, cum Picenum, quod inter suburbicarias censeri compertum est, extra centesimum lapidem positum esse nemo nesciat? Quam hîc

B

in partem te conuertes? Vmbriam abnues centesimo contineri? At reuincet Coniectōr, qui vt Picenum, quod extra eos fines esse norat, intra centesimum concluderet, suis illud sedibus summouit, & in agro Spoletino, hoc est in media Vmbria collocauit. An Picenū extra cētesimi terminos situm negabis? Tu te ipse fateri coges, qui in Epistolæ tuæ calce Picenum vtrumque Marchiæ nomine comprehendī scripsisti: Marchiam autem vltra centesimum totam esse res docet. Aut Vmbriam igitur de annonariarum albo expunge, aut annonarias etiam intra centesimū aliquas confitere. Aut Picenum porrò suburbicarium nega vllum fuisse, aut suburbicarias etiam vltra centesimum positas agnosce. Ita cassam & futilem, quocumque

te veritas, ac secum ipsam pugnantem, tuam istam, cui patrocinium ex Trebellio quærebas, Italicarum regionum distinctionem fateare necesse est.

Iam illud quoque quam pariter absurdum est, quod tanto nisu, tantoque aduersus doctos omnes fastu adstruere conatus est Coniectur, annonarias ex eo dictas, quod annonam penderent, quam suburbicariæ videlicet non debebant? Hoc enim intelligi de suburbicariis voluit, aut causam nullam dixit, cum ab his annonariæ distinguatur, si annonæ hæ quoque pensitabant. At functionibus annonariis obnoxias etiam fuisse suburbicarias, tum aliæ complures, tum maxime xiv. Cod. Th. *de Indulgentiis debitorum*, Honorij lex probat: *Quod*, inquit, *de annonariis functionibus per*

urbicarias regiones clementia nostra concessit, etiam in largitionalibus titulis & emphyteuticis reipublicæ prædiis custodiri mādamus. Amotis igitur reliquis etiam circa largitionales titulos, debita ex præsenti Indictione constituit, chartis abolitis debitorum. Si annonariarum functionum reliqua suburbicariis regionibus indulget Princeps, consequens est profectè, ut ab illis debitas, & ministrari solitas intelligamus, & frustra sudando nihil profecerit. Coniecto, qui hoc illas onere immunes videri voluit. Quod si falsum tu id esse subodoratus, propterea mentionē huius etymi nullam facis, clientisque tui errorem, ut sæpe soles, tacitò condempnas, solertiam laudo. Eorum enim more facis, qui vadimonium deferunt, ne causa cadant. Sed quid negotij erit, si dissentire vobis in-

ter vos & digladiari licet, myrmil-
lones conficere, qui mutuis se vul-
neribus cædant, ac suis se ipsos
mucronibus confodiant?

CAPVT III.

*Suburbicarias rectè dici prouincias quæ
ab urbis Vicario regebantur. Cur solum Pi-
cenum in Notitia suburbicarij cognomen
gerat. Causidicus suo ipsius argumento reuin-
citur. Sicilia item cur interdum seorsim ab
urbicariis nominetur, veram in Censura cau-
sam esse allatam. Sicilia eadem alibi Urbica-
riarum nomine comprehensa. quare ab illis
minimè diuersa.*

MAGNO te, clientemque tuū,
nisi dissimulas, præsidio de-
iectum vides, cū tibi extorta est
Trebellij Pollionis auctoritas qua
muniebaris. Iam enim perspicuū
est, non modò annonarias ab illo

nō omnes dictas esse, quas fingitis; sed hoc etiam, quod vestræ caput est Dissertationis, nec Italiâ, cū angustius sumitur, & ab vrbicariis regionibus distinguitur, regiones vniuersas, quæ extra centesimum sunt lapidem, complecti posse; nec suburbicarias omnes, vt vobis placeat, intra centesimum contineri. Quo euerso fundamento, quid est in tota illius Coniectura, aut in tota Epistola tua, quod vlla ex parte cohæreat? Quanto ergo simplicius ac breuius erat, id quod te Censura nostra docuit, & proximè ab Hieronymo Aleandro, doctissimo & humanissimo viro est approbatum, agnoscere? Centesimi videlicet rationem, finesque, ad specialem Italiæ significationem, vel ad suburbicariarum appellationem nihil omnino pertinere: sed

cùm à Constantino Magno duo in Italia Præfecturæ prætorianæ Vicarij essent constituti, Vicarius Urbis, cuius sedes Romæ, & Vicarius Italiæ, qui sedem habuit Mediolani: exinde factum, vt vrbicariæ, vel suburbicariæ dici cœperint prouinciæ quas Vicarius urbis administrabat, decem nimirum, quæ in Notitia numerantur, *Campania, Tuscia & Umbria, Picenũ suburbicariũ, Sicilia, Apulia & Calābria, Bruttij & Lucania, Samnium, Sardinia, Corsica, Valeria.* reliquæ verò septem, quoniam à Vicario Italiæ regebantur, proprium sibi deinceps Italiæ nomen vindicarint, quomodo & Vicarius ipse, quamuis Italiæ tantũ partem obtineret, Vicarius tamen Italiæ vocabatur. Hoc exordiũ fuit Italiæ preficius sumptæ, hic fons & origo vr-

Pag. 9.

bicariatum regionum. Quod si tibi ad hanc lucem oculos intendere fas esset, nec te ista Centesimi fabula irretitum teneret; rideres ea profectò, quæ nunc nobis velut ardua & inextricabilia pueriliter obiectas. Quid enim est tandem, quod opponis? Maximam, ais, admirationem mouere tibi, quòd in Notitia, cù Vicarij Urbis prouinciæ recensentur, vnica Piceni regio suburbicaria dicatur, cùm ceteræ nostra sententia sint etiam suburbicariæ. Mihi verò mirandum hoc potius meritò videtur, obiici id abs te mihi, quod in te possit retorqueri. Cedo enim, ecquas tu suburbicarias esse censes?

Pag. 44: *Latinam, inquis, regionem, Valeriam, Picenum suburbicarium, Tusciam suburbicariam.* Quàm id aptè, postea viderimus. Nunc rogo quid causæ

fit, cur suburbicariæ cùm sint omnes, duabus tantùm id nomen imponas? Respondebis, opinor, idcirco his duabus suburbicarij nomen addi, vt à Piceno annonario, & à Tuscia annonaria distinguantur. Neque eo fieri, vt Valeria, & Latina regio suburbicariæ non cēscantur; quemadmodum in enumerandis Franciæ regni prouinciis, si quis cùm ad Burgundiam tuam ventum est, Franciæ illi nomen addat, vt ab altera Burgundia, quæ illi coniuncta est, seceratur, non eo fiet, vt Campania, Prouincia, Britannia, & ceteræ omnes Franciæ nō sint. Quæ cùm dixeris, nemo erit qui non acquiescat. Cur tu igitur, quasi non idem ius Titij esse debeat, quod Sempronij, qua defensione in causa tua vteris, eadem nos in nostra vti ve-

P. 12. 13. 14. tas? Miraris rursum, quo pacto in lege 1 x. Cod. Theod. *De extraordinariis muneribus*, Sicilia, si vrbicaria est, ab vrbicariis regionibus se- iungatur; & gaudes te non tam acutum esse natum, vt quam attuli causam intelligas: nempe quòd curandis fundis patrimonialibus & emphiteuticariis, de quibus lex agit, diuersus esset in Sicilia Rationalis ab eo qui Rationalis per urbem Romam, & suburbicarias regiones dicebatur. At ego vereor, ne dolèdum sit potius amicis tuis, tam rudem te atque hebetem videri, vt hìc etiam non sentias, quas mihi tendiculas obiicis, iisdem te incautum atque imprudètem implicari. Quid enim? An non in Notitia eadem, inter eos qui sub dispositione Comitum rerum priatarum militabant, Procurator legi-

tur rei priuatæ per Italiam, & Procurator item rei priuatæ per Apuliam & Calabriam? Quæro ex te, Apuliámne & Calabriam putes Italiæ nomine contineri. Nam mihi quidem, qui Apuliam & Calabriam Vrbicarias esse docui, facile est negare: at tibi integrum non est, qui Italię vis nomine quicquid est extra centesimum comprehendi. Cum igitur in Italia tuo iudicio sint Apulia & Calābria, quid aliud causę adferes, cur hęc ab Italia separentur, nisi quod à diuersis ipsæ Procuratoribus, sicut illæ à diuersis Rationalibus, administrarentur? Noli ergo flagitare, vt alio me patrocinio defendam. Satis tutum tectumque oportet illum videri, qui eius sibi exemplo cauet, qui accusat. Sed quoniam sentio hęc mihi rem cum vno te

solo non esse, sed cum rogato iuris Antecessore, quem in errorem nuper impulisti, agedum illius causa iterum congregiamur. Urbicarias regiones appellari docui, quæ in Vicarij urbis erant potestate; sub Vicario autem urbis Siciliam fuisse Notitia testata est; ex quo nimirum urbicariam esse Siciliam sequebatur. Hîc mihi Theodosiana lex obiicitur, quæ Siciliam ab urbicariis regionibus distinguere videatur. Obiici hanc posse præsenferam : ideo ne cui fucum faceret, admonueram quid causæ esset, cur Sicilia in ea lege, tametsi est urbicaria, ab urbicariis sciungatur. Nec difficile erat causam assequi, cum eodem more apud nos videamus, à Rectoribus prouinciarum sæpe distingui Rectores arcium, oppidorumque nonnullorum.

rum , quæ ipsa tamen in iisdem
prouinciis continentur. At Tibi,
Antecessorique ratio ista non sa-
tisfacit. Quare hoc vno legis argu-
mento confici putat, Siciliam vr-
bicariam prorsus non fuisse, vrbi-
carias proinde ab vrbis vicario dici
non posse. Verùm si Siciliam ab
vrbicariis lex illa penitus excludit,
de lege altera, quæ vnica est in Co-
dice Theod. *Si per obreptionem*, quid
censes? Quæro enim, cùm Præfe-
cto præt. Italiæ & illyrici præcipit
Imperator , *vt per omnem Italiam,*
tum etiam per Vrbicarias, Africanasq;
regiones , as per omne Illyricum , hoc
est , per omnes præfecturæ illius
dioceses, legem promulget, Sici-
liam ecquo putas harum partium
capite contineri? Exclusam enim,
opinor, non dices, cùm Italiæ Præ-
fecto paruissse Siciliam non dubi-

tes. qua igitur in parte comprehensam putas? Illyricone, an Africa? ridiculum fit suspicari. nam Italiae Insulam fuisse Siciliam quis nescit? Sed cum Italiae duae fuerint dioeceses, quae in hac lege distinguuntur, Italia & Urbicariae, ad Italiae dioecesim pertinuisse Siciliam, cum Italiae Vicario non subesset, absurdum est affirmare. restat ergo, ut urbicariarum numero comprehendatur. Quod si urbicariarum hinc nomine Sicilia continetur, causa certe quaerenda est, cur in lege *ix. De extraordinariis muneribus* eadem ab urbicariis secernatur. Ego eam attuli, quae aptissima videbatur. Tu Antecessori nuntia, ut aut certiore ipse proferat, aut nostram probet, atque infirmo se argumento ad Sicilia de urbicariarum albo eradendam usum sen-

tiat. Tu porro, si primam Italiae huius, suburbicariarumque originem, quam dixi, & veras vtrarumque metas ac terminos didicisses, non modò in his nunc falebris non hæreret, sed alios etiam scopulos, ad quos passim offendis, declinares. Nec suburbicarias scilicet ante Constantinum appellatas, cùm exemplum, vel auctorem nullum habeas, sine tabulis, sine teste, sine suffragio affirmares. nec Italiae nomen in Aureliani edicto, vel apud Pollionem, & alios, qui Constantini tempora antecesserunt, aliud quàm Italiam totam, quæ in duas dioceses diuisa nondum erat, interpretandum crederes: nec duas denique has partes, Italiam, inquam, & vrbicarias, quæ pro Vicariorum, à quibus regerantur, discrimine, ita sunt apra &

concinna partitione distributæ, vt Vicario Italiæ subessent omnes Italiæ huius prouinciæ, Vicario vrbis omnes vrbicariæ: tu contrà peruerso rerum ordine ita confunderes, vt si vera sunt quæ somnias, nec Vicario Italiæ pareant omnes Italiæ suæ prouinciæ, & Vicarius Urbis nō solas vrbicarias, sed alias etiam in sua habeat potestate.

Pag. 17.

CAPVT IV.

Specialis Italia non amplius quàm septem prouincias complexa, quæ à Vicario Italiæ administrabantur. Ideo ab Italia Campaniã, Apuliam, Calabriam secludunt cum Athanasio Synodi Sardicensis & Arelatensis subscriptiones. Diluuntur ridicula causi dici obiectiones, idemque ἀντιλογία conuincitur.

DE Italiæ pressius sumptæ finibus hoc inter nos est discrimen,

serimen, quod Coniectoꝝ, eiusque patronus, omnes illam prouincias complecti volunt, quæ sunt extra Urbis Centesimum: nos septem illas duntaxat, quæ Diœcesim Vicarij Italiæ constituunt, Venetiam cum Istria, Æmiliam, Liguriam, Flaminiam cum Piceno annonario, Alpes Cottias, Rætiam primam, Rætiam secundam. Rem ut auctoꝝum testimonio firmaremus, Synodi Sardicensis Epistolam inter cetera produximus, quæ ab Italia hoc sensu Campaniam, Calabriam, Apuliã secludit; quod certè non faceret, si Italiæ omnes essent quæ sunt extra Cêtesimum, cum extra Centesimi fines has esse nemo non videat. Hunc tamen Synodi locum oppugnandum sibi Amicus delegit. prolixè ille quidem ac verbosè, sed confusè adco

C

& perturbatè, vt satis liqueat ipsum quæ scribebat non intellexisse. Nam cùm aliud sit Prouincia, aliud Diœcesis, quæ multarum prouinciarum est complexio: cùmque alia ciuilium diœcesum aut prouinciarum sit ratio, alia Ecclesiasticarum, quarum vnica ciuiles multas sæpe continet, interdum singulæ singulis adæquantur; sicut in Censura nostra probatum est: acutus hic homo, & prouincias cum diœcesibus confundit, & ab Ecclesiasticis ciuilia non distinguit, nec Italiam solidam atque integram ab Italia, quæ pro Italiæ tantum parte sumitur; susque deque omnia miscet, & iudicij alieni securus, quàm ridiculum lectori se præbeat pensi nihil habet: vt me ipsum susceptæ iam operæ tædeat, atque amicis indignari prorsus in-

cipiam, qui me cōiitiis suis ut tam
 inepta refellerem adegerunt. Au-
 diamus tamen quibus machinis
 Synodi auctoritatem expugnet.
 Synodi verba sunt, ἡ ἀγία συνόδος Pag. 25. 26.
 συναρθεῖσα ἀπὸ Ρώμης, καὶ Ἰταλίας,
 Καμπανίας, Καλαβρίας, Απουλίας.
 Negat in his verbis ab Italia Cam-
 paniam, Calabriam, Apuliam se-
 cludi, sed tanquam eius partes Ita-
 liae vult subiungi, quia nulla post
 Italiam interposita est distinctio:
 alioqui disiunctiuam particulam
 indidisset, hoc modo, ἀπὸ Ρώμης,
 ἔκ Ἰταλίας, καὶ Καλαβρίας, καὶ Καμπανίας.
 Itane verò? Confecta res erat, si
 hanc Synodus notam adiecisset?
 Quid ergo Athanasio dices, qui
 adiecit in Epistola ad solitarios, ἀπὸ
 τῆς μεγάλης Ρώμης, καὶ τῆς Ἰταλίας πά-
 σης, Καλαβρίας τε καὶ Απουλίας, καὶ Καμ-
 πανίας, Βρεττανίας τε. Annon hoc est,

quod aiebam, te quid scribas pensi nihil habere, ac tuo te gladio, vt tuis verbis vtar, iugulare? Quamquam ineptum est certè, Synodi sententiam ex vocolæ vnus, quæ ad rem nihil faciat, apicibus pendere. Vnde certius explorari Synodi mens possit, quàm ex Synodi ipsius subscriptionibus? Illas ergo recognosce. In his Episcopos leges, *Protasium ab Italia de Mediolano, Vrsacium ab Italia de Brixia, Fortunatianum ab Italia de Aquileia, Lucillum ab Italia de Verona*; deinde *Vincetium à Campania de Capua, Ianuarium à Campania de Benevento, Calepodium à Campania de Neapoli*; *Stercorium denique ab Apulia de Canusio*. Si Campaniam & Apuliam Synodus ab Italia non distinxit, quid attinebat post Episcopos quos Italiæ adsignarat, reliquos Campaniæ vel

Apuliæ adscribere? Nimirum Italia eos omnes attribuit, qui è variis Diœcesis Italiae prouinciis, quas sciebat vnica Ecclesiastica, hoc est Mediolanensi, prouincia contineri: ceteros seorsim Campaniæ vel Apuliæ; quoniam vtraque suam ipsa prouinciam constituebat. Quod clariùs etiam, disertisque verbis Arelatensis primæ Synodi subscriptiones docent: *Ex prouincia Italia, ciuitate Mediolanensi, Mirocles Episcopus. Ex prouincia Campania, de ciuitate Capuensium, Proterius Episcopus. Ex prouincia Apulia, de ciuitate Arpiensium, Pardus Episcopus.* Et Athanasius in eadem Epistola pag. 636. cùm Capuam Metropolim Campaniæ vocat, & Vincentium eius Episcopum commemorat, Βικέντιον ἐπίσκοπον ἀπὸ τῆς Καπὸνίας. ἐστὶ δὲ αὐτῇ μετروπόλιν τῆς Καμπανίας, an non

Pag. 65.

Pag. 34.

apertè peculiarem Campaniæ prouinciam fuisse significat ? Nisi tu fortè aliud Metropolim esse putas, quàm caput & principem urbem prouinciæ. Abi nunc ergo, & desine tandem de Campania, Apulia, Calabria stolidè sciscitari, cuius sint prouinciæ, Italiæne an Romanæ : cum videas earum vnamquamque non ciuili tantùm, sed Ecclesiastico etiam iure, solidam per se prouinciam fecisse. Pergis tamen, & indignas prouinciarum numero iudicas, quòd cum Romana vel Italiæ prouincia comparari amplitudine, cõferrique non possint. Quasi verò reges hodie dici nequeant, quorum regna terrarum spatiis Gallias vel Hispanias non æquant, aut prouincias olim omnes in Gallia oportuerit esse Maximas Sequanorum, & in Britannia

Maximas Cæsarienses. Non capis, P. 25 26. 27.

qua ratione *πᾶσιν Ἰταλίαι* Athanasius, *omnem Italiam* dicere potuerit Hieronymus, si Campaniam, Calabriam, Apuliam, non comprehendunt: quomodo Valentinianum Imp. capies lege ix. Cod. Theod. *De annona & tributis*, aut Gratianum L. vnica. *Si per obreptionem*: quorum hic pariter omnem Italiam, ille omnes Italiæ regiones dixit, tamen si Urbicarias excludant? Tu ne adeo es immemor, ut de Italia, quæ Italiæ tantum partem, hoc est diœcesim eius alteram continet, nos loqui non recorderis? Quod si recordaris, quid causæ est, cur cum varias & ipsa partes prouinciasque complexa sit, omnem Italiam ab iis dici non feras, qui omnes eius partes intelligant? Sed restat tibi validissimum telum, Pag. 27. 28.

quo Campaniam, Apuliam, Calabria-
briam nihil aliud quàm Italiæ hu-
ius partes esse concludas, idque ex
nostra, quod tibi certè gloriosum
est, pharetra depromptum. Sir-
mondus, inquis, in regionum ca-
talogo, quæ Romanæ provinciæ
attribuebantur, nullam harum nu-
merat. Italiæ ergo provinciæ illas
adiudicat, hoc est secū ipse pugnat,
qui Italiam scripsit non amplius
quàm septem Vicarij sui provin-
cias continere. Ita enim ἀντιλογίας
nos redarguit, & latus nostrū ferro
nostro petit. Sed ô plumbeum pu-
gionem! Quo enim exciperes ca-
chinno, si me ita differentem audi-
res: Belgicam Amicus, & Aquita-
niam in Celtica non ponit; ponat
ergo necesse est in Narbonensi.
Nā tua quidem par huic, & simil-
lima est argumentatio. Nos verò

ui stultum ducimus prouinciam
 eiusede ordinis prouincia quære-
 re, nec in Italię istas prouincia, nec
 in Romana collocamus. Tu pro-
 pterea quod haftenus Campaniã,
 Calabriam, Apuliam separatas ef-
 fe prouincias ignorasti, Italiã illas
 prouincię partes dicis: qui tamen,
 placitis tuis consentanea loqui
 velles, Romanę potiùs dicere de-
 ueras. Cùm enim Ecclesiasticas
 prouincias & administrationes ad
 iuiliū formam constituendas
 tu, Coniectorque tuus censeatis,
 et Campaniam, Calabriam, Apu-
 liam tu idem, Coniectore tuo ad-
 monitu nostro cautior factus, non
 ad Vicarij Italię, vt ille sentiebat,
 sed ad Vicarij Urbis tribunal per-
 uenisse didiceris; consequens erat
 profectò, vt earumdem Episcopos
 Romanę potius, quàm Italię pro-

DE REGIONIBVS
uinciæ adscriberes. Videsis nunc
ergo, vter nostrum testimonio suo
reuincatur, vter αὐτὴ λαγίας ἀλίσκεται,
vter αὖ οἱ δὲ οὐ φλισκαίη.

C A P V T V.

Suburbicariae omnes non sunt intra Centesimum. Secum pugnat Causidicus, qui Vmbriam suburbicariam esse negat, quae tamen est intra Centesimum. Latina regio inter provincias nunquam habita, Valeria ultimis tantum temporibus. Prouinciæ omnes Vrbi vicina non ad Praefecti, sed ad Vicarij Vrbis administrationem pertinebant.

PRÆCIPVVS Duumvirum nostrorum labor est, vt suburbicarias regiones intra Centesimum describant. Nam quia quatuor omnino eius nominis esse à pessimis magistris, hoc est à coctoribus calcis didicerunt, quas decem numero fuisse Imperij Notitia nos docet, de Piceno quidem & Tuscia,

quæ in suburbicariæ sint, ambigi nō
posse intelligunt, de reliquis dua-
bus inter se non consentiunt. Cō-
cētor enim Latium vetus & La-
ium nouum, primus, vt ipse glo-
riatur, nouas suburbicarias crea-
uit : vitio creatas exclamat Ami-
cus, & pro his Latinam regionem,
Valeriámq; substituit. Prorsus au-
tem quatuor suburbicarias Cente-
simo definiri, atque in his Præfēti
urbis diœcesim contineri volunt.
Quanquam igitur à nobis iam in
Censura ostensum est, frustra Præ-
fēti Urbis diœcesim, aut prouin-
cias fingi, quæ nullæ sint: tamen in
hisce fingendis, constituendisque
quàm multa peccent, hîc quoque
demonstrandum est. Primum e-
nim, quàm ineptum est suburbi-
carias omnes Centesimo conclu-
dere, cum extra hos fines Picenum

Pag. 41 42

esse liqueat, quod suburbicarium inficiari nō potestis? Deinde quā absurdum, quæ Centesimo contineātur eas omnes suburbicarias dicere, cū intra Centesimū sit Vmbria, quam suburbicariam negātis? Verū hæc, quæ antea quoque attigimus, & vtrique vestrū sunt communia, omittamus. Valeriam, Latinamque regionem tuā exploremus, quas tu, Cōiectoris tui ἀπειροειχίας notans, vtrique eius Latio anteponendas censuisti. Nempe dum cornicum, quod aiunt, oculos configis, tuos ipse confodisti, vt quod ille videre non potuit, tu quoque non videres. Quem enim, nisi oculis captum, latere potest, in Descriptionibus Prouinciarum Italix, quotquot in antiquis Bibliothecis extant, Latij aut Latinæ regionis nomen nusquam legi? A-

gedum, aures admoue, si oculos non habes. IN ITALIA PROVIN-
CIÆ NUMERO XVI. *Campania, in
qua est Capua, Tuscia cū Umbria, in
qua est Roma, Æmilia, Flaminia, in
qua est Raenenna, Picenum, Liguria, in
qua est Mediolanum, Venetia cum Hi-
stris, in qua est Aquileia, Alpes Cortia,
Samnium, Apulia cum Calabria, in qua
est Tarentus, Brutia cum Lucania, Ræ-
tia prima, Rætia secunda, Sicilia, Sardi-
nia, Corsica. Hæc nostri est Codicis
dinumeratio, à qua ceteri nihil dis-
crepant, nisi quòd in nonnullis
Roma præteritur, quam tamen in
Tusciæ prouincia cōstitutam no-
tat etiam Paulus Diaconus in ge-
stis Longobardorum libro II. Cum
hac autem Descriptione confer
alteram, quæ in vtriusque Impe-
rij Notitia legitur his verbis: PRO-
VINCIÆ ITALIÆ XVII. *Vene-**

ria cum Histris, Æmia, Liguria, Flaminia & Piceni annonarij, Tuscia & Vmbria, Piceni suburbicarij, Campania, Sicilia, Apulia & Calabria, Rætia prima, Rætia secunda, Samnij, Valeria, Sardinia, Corsica. Ex his duabus Italiae Prouinciarum Adnotationibus priorem à Constantino magno ad Theodosium vsque obtinuisse, si dubitari abs te posse crederem, facile esset docere: posteriorē Theodosij, filiorumque eius temporibus natam, vsurpatamque, Notitiæ ipsius schemata declarant. Nūc igitur percontari libet, cū inter Italiae prouincias, quæ post Cōstantinum, vt de superiore memoria nihil dicam, agnitæ deinceps vel auditæ sunt, nullum nec Latij, nec Latinæ regionis sit vestigium, quia in Campaniæ videlicet prouincia comprehendebatur: quoniam vos

mentis errore vel audacia Prouincias vobis fingere potuistis, quæ Prouinciæ non erant? Tum de Valeria quæro ex te, quî factum putes, vt in priore catalogo eius nomen non legatur, nisi quia in Prouinciarum numero nondum erat? Valeria enim, si nescis, antiquû viæ nomen est, recens prouinciæ, quæ Samnij ferè antea pars fuit. Quo igitur pacto tot sæculis quæ antecesserant Præfectianæ, quam dicitis, diœceseos prouincia potuit esse Valeria, si nata non erat? Quid si de Tuscia quoque ac Piceno quaram eodẽ modo, cùm Piceni suburbicarij mentionem in posteriore tantum Notitia videas, Tusciæ suburbicanæ ne in hac quidem; an non certa sit coniectura, Picenum & Tusciam, cùm integræ intrea essent prouinciæ, in duas po-

stea, sed serò ac postremis demum temporibus esse diuisas, annues an negabis? Sed hunc ego locum, ne absurdus abs te aliquid exprimā, in præsentia non vrgebo. Hoc respondeas velim, cū è quatuor Prouincijs, quas Præfecto Vrbi assignabas, Latina regio nulla sit, Picenum sit extra Centesimum, Valleria nimis recens, Tuscia sit incerta, Præfectianam istam diœcesim, quam in his constituebas, quibus tandem ex Prouincijs conflaturus es? Nam frustra, vt vides, in his conquirendis hætenus cum collegato laborasti. Et profectò, qui id quod nusquam est quærent, hoc nimirū agunt, vt multum sudando inueniant nihil. Quare casso atque irritò conatu abstine, si sapias. Præfectus Vrbi, quod sæpe iterandum est, non prouincialis, sed

sed urbanus fuit magistratus: nulla proinde illius diœcesis fuit, nulla prouinciæ. Propria enim & præfecturæ iure illi congruens administratio vrbe Roma, Romani-que agri terminis finiebatur. Hûc agrum quæ cingebant Prouinciæ, & quotquot omnino Cêtesimi partem aliquam attingebant, suos singulæ Rectores habebant, Consulares, Præsides, Correctores, quibus nihil commune fuit cum Præfecto Urbis; in Vicarij autem urbis erant potestate; vt ceteri omnes, qui reliquas eius diœcesis prouincias, hoc est suburbicarias ceteras administrabant. Denique vt intelligas Præfecto Vrbi prouincias non fuisse commendatas, Symmachum audi lib. 1 x. epistola c x i x. Disces enim non solum Præfecturæ Urbanæ oppositam fuisse pote-

statem, cui prouinciarum iura mādāta sint: sed Præfecti Urbis angustos adeo iurisdictionis terminos fuisse, vt Albam vsque non excurrerent. Scripta est epistola, (nam titulo caret) ad Vicariū Urbis, vt coniicio, digna quæ priorem hanc dissertationem claudat, atque integra legatur. Ea est huiusmodi.

SYMMACHI EPISTOLA

LIB. IX. EP. CXIX.

SECUNDVM proxima ætatis exēpla, clarissimo & excellentissimo viro, fratri nostro Præfecto Urbis incestatę Primigenię virginis, quę sacra Albana curabat, à collegio nostro vindicta delata est. Sed quia litteris cuius causę probabiles asseruntur, quòd neque muros æterna Urbis tanti criminis reos fas sit intrare, neque ipse ad longinqua possit occurrere: cum

facinus ubi admissum est debeat expiari, necesse perspeximus, potestatem finitimam conuenire, & cui prouinciarum iura mandata sunt; ut in Primigeniam, quę publicarum cerimoniarum maculauit arcana, corruptoremque eius Maximum, qui quidem flagitium non negauit, seueritas semper his adhibita exeratur. Dignaberis igitur, consideratis confessionibus, quę nefandi tragædiam prodiderunt, iniuriam castissimi seculi reorum suppliciis vindicare.



ADVENTORIAE

PARS ALTERA, DE ECCLESIIS *suburbicariis.*

CAPVT I.

Suburbicarij notio, pro rerum ad quas refertur varietate, laxior est vel angustior. Quare falsum est Ecclesias suburbicarias latius patere non posse quàm prouincias. Suburbicariae Ecclesiae quanam essent, Rufini aetate notum erat. Synodus Nicana Episcopi Alexandrini diæcesim definiuit, non Romanam. Aegypti vox non minùs ambigua, quàm suburbicarij.



VI circa regiones suburbicarias tam multis modis hallucinatus es, de Eccle-

D iij

clesias comprehendisse. Sensisti quā vim habeat hæc argumētatio. Itaque, ne te illa in angustias compelleret, tacitam dissimulasti. Et quasi confectum à nobis nihil esset, rem denuo arcessis à capite, negasque suburbicarias Ecclesias di-
Pag. 48.
Pag. 52.
cialias posse, quàm quæ suburbi-
cariis tuis prouinciis continean-
tur. Vagum alioquin & ambiguum
ais fore vocabulum, quod certas &
statas Ecclesias non denotet, cū
certam à Synodo ac definitam E-
piscopo Romano diœcesim adsi-
gnatam fuisse non ambigas. Tua
sunt hæc omnia, vt opinor. Vide
tu, an ratiocinationis tuæ caput vl-
lum, quod ad rem faciat, præter-
mittam. Quanquam hæc ipsa, quæ
commemorauī, cū falsa ineptæ-
que sint, ad rem tuam quid faciūt,
nisi vt te inertię inscitięque con-

demnent? Primùm enim, quis tibi Grammaticorum assentietur, suburbicarij notionem pro rerum, ad quas refertur, varietate angustiore, laxiorémve esse non posse? Quæso te, Parisiensem præfecturam cùm audis, eosdémne illius fines animo fingis, cùm de Prætorè Parisiensi agitur, eosdem cùm de Episcopo, eosdem cum de Curia, supremoque tribunali Parisiensi? Insanus sis, siingas. Cur igitur eadem intelligi aut concipi vis spatia; cùm provinciæ, eadem cùm Ecclesiæ suburbicariæ nominantur: & quod inde sequi necesse est, cur Episcopi Urbis, & Præfecti Urbis, & Vicarij Urbis, & aliorum, si qui ab Urbe nomē ducunt, eosdem potestatis, ac iurisdictionis terminos esse iubes? At suburbicaria, inquis, cùm ex eo dicta sint,

quia circa Urbē, vel sub Vrbe crāt, «
ad longinqua transferri non pos- «
sunt. Equidem hoc à te scribi vi- «
deo, sed contra te, sed contra Con-
iectorem. Quid enim? An illum
oblitus es, atque illius exemplo te,
Umbriam, quæ Vrbi proxima est,
de suburbicariarum numero ex-
punxisse? Si suburbicariæ de urbis
vicinia sunt dictæ, suburbicarium
Picenum esse cur agnoscis, Um-
briam negas, quæ Vrbi tamen vici-
na & propinquior est, quàm Pi-
cenum? Aut consentanea loqui di-
sce, aut tace, & iis qui didicere, lo-
quendi partes concede. Iam illud
porrò quàm inane est, quod causa-
ris, incertum & ambiguum fore,
quas Ecclesias suburbicarias dicat
Rufinus, si has etiam extra eius no-
minis prouincias accipi placeat?
Quasi verò Rufini ætate suburbi-

cariarum Ecclesiarum obscurius nomen fuerit quàm Prouinciarum: aut quemadmodum Præfetti Urbis, & Vicarij Urbis potestas quos fines haberet, ignorari non poterat; ita Episcopi Romani specialis diœcesis quousque pertineret, exploratum itidem ac ratum non esset.

Sed erras vehementer, si aut Synodo Nicænæ, aut Rufino, qui Synodum interpretatus est, propositum id fuisse censes, ut Romanæ diœcesis partem vllam nominatim exprimeret. Adsignauit, „ inquis, Ægypti prouincias Ale- „ xandrino Episcopo: debuit ergo „ & Romano certas adscribere. Non „ poteras, quàm oscitanter Synodi verba legeris, aut quàm parum afsecutus sis, apertiore indicio testari. Sic enim disputas, quasi eius canonis quæ fuerit occasio, aut cuius

gratia conditus sit, penitus ignores. Atqui ex Synodi ipsius ad Episcopos Ægypti epistola, quam libro 1. cap. 9. recitat Theodoretus, discere poteras, Meletiani schismatis causa editum fuisse, ob Meletium Lycopolis Episcopum, qui καὶ ἐκείνην χώραν, vt narrat Epiphanius hæresi LXVIII. καὶ καὶ ἑκαστοὶ τὸ πᾶν διεργάζοντο καὶ ἵστα κληρικῶν, ὅπισθ' αὖτε καὶ πρεσβυτέρους, καὶ δακόνους; καὶ ὡς οὕτως ἐκκλησίας ἰδίαις. Clericos passim, Episcopos, & presbyteros, ac diaconos instituebat, priuatasque seorsim Ecclesias erigebat. Quæ cum aduersus Episcopi Alexandrini iura tentari viderentur, morem antiquum retineri Synodus iussit, vt Episcopus Alexandriæ per Ægyptum, Libyam, Pentapolim, summam habeat potestatem; parique modo & Antiochiæ, & ce-

teris in prouinciis sua Metropoli-
 tanis iura seruari. De Alexandrina
 ergo diœcesi quæstio cùm esset, è
 re fuit, ne quid obtendere Mele-
 tianis liceret, singulas illius partes
 percensere: Romanæ autem vel
 Antiochenæ diœcesis partes, de
 quibus nulla erat disceptatio, nihil
 attinebat commemorari. Quare
 frustra parem vtrarumque causam
 vis fuisse. Sed parem fuisse conce-
 damus. quid est quod de suburbi-
 cariarum apud Rufinum, quasi nō
 satis aperta & distincta interpre-
 tatione nostra cauilleris? Quia Æ-

Pag. 32.

gypti sollicitudinem, inquis, Ale-
 xandrinum Episcopum gessisse qui
 dicit, is non partem Ægypti, sed
 totam, nec plusquam Ægyptum,
 sed solam intelligit. In suburbica-
 riis verò nihil simile. Nam earum
 apud nos varia est significatio. Itá-

ne vero? In Ægypti voce nihil esse putas ambigui? Atque hoc reliquum erat, ut nescire te ostenderes, Ægyptum nunc totam diœcesim dici, quæ Libyam simul & Pentapolim amplectatur; nunc solam eius partem, quæ Ægyptus propriè est appellata? Quorsum enim à Synodo Aegyptus, Libya, & Pentapolis distinguuntur, si Aegyptus pro sola interdum diœcesis parte non sumitur? *Antiqui mores obtineant, qui sunt in Aegypto, Libya, & Pentapoli, ut Episcopus Alexandrinus horum omnium habeat potestatem.* quorsum à Rufino sola Aegyptus commemoratur, si non alias etiam partes aliquando comprehendit? *Ut Alexandrinus Episcopus Aegypti, Romanus suburbicariorum Ecclesiarum sollicitudinem gerat.* Sed profectò cautiore, atque intelligentiore erat Rufinus.

Sciebat nimirum , & Aegypti & suburbicariarum ambigua esse vocabula : quòd vt Aegyptus nunc integra est diœcesis , nunc vna eius parstantùm; ita suburbicariæ Ecclesiæ dici possint , tum eæ priuatim , quæ in Vrbe , Urbisque sint Episcopatu; tû eæ item , quæ Proinciæ Romanæ ambitu contineantur ; tum eæ postremò , quæ solidam Episcopi Romani diœcesim & Patriarchatum constituent. Ceterùm in Nicæni canonis tractatione , vbi Aegyptus cum suburbicariis Ecclesiis , hoc est Alexandrina diœcesis cum Romana comparetur , quemadmodum dubitare non potuit Rufinus , quin Aegypti nomine Libyam quoque & Pentapolim ab eo comprehensam scirent omnes; ita neminem adeo stupidum putauit fore , qui

suburbicarias Ecclesias aliud quàm totius Occidentis, (quoniam hæc specialis est Episcopi Romani diœcesis) Ecclesias omnes interpretandas censeret.

CAPVT II.

Synodus Calchedonensis quatuor Episcoporum gradus manifestè distinguit. Exarchos appellat non Metropolitas, aut Patriarchas, sed eos qui gradu inter utrosque interiecto diœceses integras regebant Exarchorum nominis varia usurpatio. Exarchi, præter legitimos, quidam ascititij & honorarij.

QVATVOR Episcoporù gradus in Synodo Calchedonensi designari, Episcopos videlicet singularum ciuitatum, Metropolitanos prouinciarum, Exarchos seu primates diœceseon, & Patriarchas qui *Sporous* siue sedes

propriè dictas regebant, in Censura nostra docuimus. Reclamat Causidicus, & symmystarum suorum, qui hoc ante scripserant, præiudicio fretus, quanta potest voce contendit, tres duntaxat Episcoporum gradus in Ecclesia fuisse, nec plures tribus à Synodo commemorari. Nusquam pica nostra, quàm in hoc capite loquacior, nusquam petulantior, nusquam impotentior sui; ut mihi quidem visa sit inusitata quadam rabie hoc loco laborare. Sed ades tandem, si modò ad sanam mentem rediisti, quo argumento tres tantùm Episcoporum gradus vis esse? Adeone pingui & crasso es sensu, ut quatuor numerare non possis? Synodus Calchedonensis Canone 1x. de clericorum iudiciis sancit, ut si cui clerico lis fierit cum proprio, vel
cum

cum alio Episcopo, πρὸς τὸ ἴδιον, ἢ
καὶ πρὸς ἕτερον ἐπίσκοπον, à provin-
ciæ Synodo iudicetur: si autem cū
ipsius provinciæ Metropolitano,
πρὸς τὴν αὐτῆς ἐπαρχίας μητροπολί-
τιν, Episcopus aut clericus con-
trouersiam habuerit, aut diœce-
scos Exarchum adeat, aut sedem
regiæ vrbis Cōstantinopolcos, ἢ τὴν
ἐξάρχον τῆς διοικήσεως, ἢ τὴν βασιλευ-
σης Κωνσταντινουπόλεως θρόνον. Dic so-
des, Episcopum, Metropolitanam,
Exarchum diœcesis, & θρόνον siue
sedis Archiepiscopum Patriar-
cham, quot numero esse censet?
Sirmondus, inquis, quatuor esse “ P. 66 67
putat, ego tres tantummodo. Quid “ 68. 69.
ita? quia Exarchus idem est ac Pa-
triarcha. Proinde Synodum sic in-
terpretor, vt clerici vel Episcopi
cum Metropolitano controuer-
siam Exarcho diœcescos, hoc est “

E

” Patriarchæ dirimendam permit-
” tat. Quid ineptius? quid insulsius?
” quid à Synodi mente alienius fingi
vel excogitari queat? Nam si cùm
AVT EXARCHVM, AVT PA-
TRIARCHAM Synodus dicit,
vnum atque eundem dicit; quid
restat, nisi vt cùm in eodem Cano-
ne PROPRIVM, AVT ALIVM
EPISCOPVM distinguit, itemque
EPISCOPVM AVT CLERICVM,
nulla tamen inter hos tuo iudicio
sit distinctio: sed vnum idemque
sit proprius Episcopus quod alie-
nus, idem clericus quod Episco-
pus? Deinde si ista inter se non di-
screpant, non iam vides, quàm ab-
surda ex hoc genere consequan-
tur? vt quoniam eum qui loquitur,
aut vera, aut falsa loqui necesse est,
vtrum de te affirmem nihil inter-
sit: & quoniam aut stultus aut sa-

piens, dum hæc scribis, videri fortasse possis, utrum de te potius credi malis, quia stultum à sapiente non discernis, pensi habere nihil debeas? Quæ ubi admiseris, quis amicorum vicem tuam non dolebit? Sed operæpretium est tamen, quibus auctoribus Exarchos Patriarchas interpreteris cognoscere. Græcis, inquis. quibus enim potius? Zonaras quippe testatur Exarchos dicēseon à quibusdam exponi Patriarchas, ab aliis Metropolitas, ἐξ' ἀρχοῦς δὲ τῶν διοικήσεων τοῖς Πατριάρχαις φασίν. ἄλλοι δὲ τοῖς Μητροπολίταις. Ita nimirum Græcos paratus es, si quid rectè sapiūt, aspernari, ubi errant, amplecti. Hic enim utramvis partem sequare, par error est. Nam si Exarchos Metropolis dixeris, redarguet te Synodus ipsa, quæ à Metropolitibus di-

P. 67.

stinguit. Sin Patriarchas, ita vt à primarum sedium Rectoribus non distinguas; iis ipsis, quæ iam dixi, refellere. Quanto verò consultius, quando Græcos audire placet, Zonara, qui te, vt vides, nihil iuuat, relicto, Balsamonem audisses? Is enim te quínam à Synodo Exarchi vocentur ignorare passus non esset. Vel nunc ergo tādē auscultata, ὁ κἀν' τοῖς ἐξάρχως τῆς διοικήσεως ἐστὶν ὡς ἐμοὶ δοκεῖ, ὅχ' ὁ ἐκείνης ἐπὶ ἱεράρχίας μητροπολίτης, ἀλλ' ὁ τῆς ὅλης διοικήσεως μητροπολίτης. διοικήσεις δὲ ἐστὶν ἢ πολλὰς ἐπὶ ἱεράρχίας ἔχουσα ὡς ἑαυτῇ. *Exarchus*, inquit, *diæcesis est*, vt mihi quidem videtur, non *vnus cuiusque prouinciæ Metropolitanus*, sed *Metropolitanus totius diæcesis*. *Diæcesis autem est, quæ multas in se prouincias continet*. Quid dici potuit explicatius? Vt Episcopi, qui vnicuique prouinciæ præest, proprium nomen *Metropolitanus*; sic Me-

metropolitani, cui multarum prouinciarum diœcesis subiecta est, proprium est nomen exarchus. Quo ex genere in primis fuerunt Cæsareæ Cappadocum Metropolitani, qui Ponticam diœcesim regebat; & Ephesus, qui Asianam. Propterea exarchi diœceseon appellabantur: vt in Synodi vi. subscriptionibus Epistolæ ad Agathonē: Φιλαλήτης ἐπίσκοπος τῆς Καισαρείων τῆς αὐγῆς τῆς Καππαδοκίᾳ ἐκπαρχίας, καὶ ἑξάρχος τῆς ποιτικῆς διοικήσεως. Philalethes Episcopus Cæsariensium Metropolis, primæ Cappadocum prouinciæ, & exarchus Ponticæ diœcesis. Θεόδωρος ἐπίσκοπος τῆς Εφεσίᾳ μητροπόλεως, καὶ ἑξάρχος τῆς Ασιανῆς διοικήσεως. Theodorus Episcopus Ephesiorū Metropolis, & exarchus Asiaticæ diœcesis. Quot deniq; apud Græcos diœceses fuere, tot Exarchi. Vnde & Orientalis quo-

que diœcesis Exarchus, ἑξάρχος τῆς αἰατικῆς διοικήσεως, in eadem Synodo Calchedonenſi Aetione xiv. dictus legitur Patriarcha Antiochenus. non quòd is aliud nihil eſſet quàm Exarchus, tertiuſque Episcoporum gradus à quarto non differat. minimè verò. ſed quia Antiochia, cui præerat, caput erat & Metropolis Orientis. Et Episcopus Alexandrinus eodem modo Exarchus Ægypti appellari iure poterat, quia Præſul erat, vt Theodoſij ad Optatum Auguſtalem lex loquitur, omnium per Ægypti diœceſim ſacerdotum. Quàquam enim nomen Exarchi, quod quidem, ſi vim vocis conſideres, eum qui quaque in re præſit ac principem locum teneat, ſignificat, cùm ad eccleſiaſticas dignitates transfertur, nunc huic, nunc illi accom-

dari possit; vt cum in Synodo Sardicensi Can. v. *ἐξάρχος τῆς ἐπαρχίας* Exarchus prouinciæ, pro Metropolitano ponitur : & apud Euarium lib. 1v. Historiæ Eccles. c. xi. Episcoporum Exarchi, *ἐπισκοπῶν ἐξάρχαι*, vniuersè appellantur, quicumque subditos habent Episcopos. Quanquam etiam postremis imperij Constantinopolitani sæculis, quod ex Georgio Codino, & Græcorum Notitiis constat, Exarchi vacuum nomen, tanquam codicilli sine re, multis Metropolitanis honoris causa communicatum est, qui diœceses re vera vel nullas vel integras non habebant, vt Ancyrano, vt Cyziceno, vt Nicomediensi, vt Nicæno, vt aliis permultis. Nihil tamen hæc efficiunt, quo minus Exarchi olim ij propria notione sint dicti, qui

E iiij

solidas multarum prouinciarum
diœceses regebant, atque hoc sen-
su in Synodi Calchedonenfis Ca-
none, vt Balsamon docuit, acci-
piendi sint. Quin etiam idem au-
ctor est Balsamon, extitisse sua
etiam ætate veteres illos diœce-
seon exarchos, sed antiquis priui-
legiis caruisse. quod verum est.
Perseuerarunt enim ex hoc nume-
ro exarchus Ponticæ diœcesis, Epi-
scopus Cæsariensis; exarchus Asia-
næ, Ephesinus; exarchus Thracicæ,
Heracliensis: atque hoc inter ascen-
ditios exarchos, qui postea id no-
men adepti sunt, velut priscae di-
gnitatis insignis vestigium retinue-
runt, quòd duo priores ὑπερέπαι-
σις ὑπερέπαισις καὶ ἐξάρχαι, tertius
πρόεδρος τῶν ὑπερέπαισις, καὶ ἐξάρχος
nuncupati sunt, cùm cæteri sub-
dititij, ὑπερέπαισις καὶ ἐξάρχαι tantum-
modo vocarentur.

CAPVT III.

Patriarchæ propriè dicti non plures quàm quinque. Patriarcharum nomen aliquando commune fuit etiam Exarchis, postea primariis tantum sedibus tributum : semper tamen inter hos gradus fuit discrimen. quare merito distinguuntur. Exarchorum in Oriente iura ad Constantinopolitanam sedem fere translata.

DE Exarchis Græcorum quidnam & numero quot fuerint, dictum est abundè. sequitur vt de Patriarchis, eorúmque diocesibus dicamus: vt hoc etiam ex capite alios tertij, alios quarti ordinis Episcopos fuisse non ignores. Quot igitur legitimos in ecclesia Patriarchas habitos olim putas esse? Quinque omnino fuerunt. Quid rides? An quia Patriarcha-

rum turbam animo tibi finxeras, & Italiam, Galliam, Africam, Orientem quoque ipsum peragraras, ut Patriarchas quæreret, atque ubi nulli erant, tute ipse novos & inauditos excitaret, idcirco Patriarchas tibi omnes fuisse dabimus, quos hariolaris? Quis de Patriarcharum numero grauior, certiorque esse potest auctor, quàm Iustinianus? Is quinque omnino Patriarchas fuisse docet, tum ubique passim, tū disertè Nouella cxxiii. Κελθόντων, inquit, τοὶς μακαριωτάτοις Ἐπισκοπῶν καὶ πατριάρχαις, πρυτάνευσιν τῆς πρεσβυτέρας Ρώμης, καὶ Καισαρίνου πόλεως, καὶ Ἀλεξανδρείας καὶ Θεουπόλεως καὶ Ἱερουσολύμων, οἱ τῇ αὐτῇ χριστοῦ ἰαυτά μόνον πρὸς ἔχον, ἀπὸρ ἡ σωτήρια γινώσκοντες. *Iubemus ut beatissimi Archiepiscopi et Patriarchæ, hoc est senioris Romæ, Constantinopolis, Alexandriæ, Theopolis, et*

*Hierosolymorum, in ordinatione sua ea
solum praebeant, quae preberi mos est.*
Euolue Nouellas omnes, & quic-
quid in Græcia librorum est post
Iustinianum, cuius potissimum
ævo Patriarcharum nomen inter
Ecclesiasticas dignitates frequen-
tari cœptum est, nusquam Patriar-
chas, nisi hos quinque, agnitos re-
peries. Quid apud Latinos, an plu-
res fuerunt? Anastasium audi Bi-
bliothecarium in Epistola, quam
Synodo VIII. præfixit ad Hadria-
num Papam II. *Cùm Christus, ait,
in corpore suo quod est Ecclesia tot Pa-
triarchales sedes, quot in cuiusque mor-
tali corpore sensus locauerit, profectò ni-
hil generalitati deest Ecclesiae, si omnes ille
sedes vnius fuerint voluntatis.* Vide
nunc, quas in angustias reductus
sis. aut docendum est tibi, sensus
in corpore plures esse quàm quin-

que, aut confitendum Patriarchas, Orientis, Occidentisque consensu, plures hoc numero non fuisse. Verum ego te, ut respices tandem, in his angustiis versari diutius non sinam. Patriarcharum nomen Exarchis olim, id est tertio Episcoporum ordini, tributum aliquando fuisse non inficior, tempusque adeo extitisse, quo Patriarchæ ab Exarchis diuersi apud Græcos non essent. quis hoc nescit? Vexas te, ut hoc doceas, nec aptè quicquam probas: cùm facilius nihil fuerit, quàm id certis documentis ostendere. Quid enim? An non aperte Socrates libro v. Historiæ Eccles. cap. viii. Diœceses Thracicam, Ponticam, Asianam, Ægyptum, & Orientem, *πατριάρχας* Patriarchias appellat, & Patriarchas in singulis à Synodo Constantinopoli-

tana constitutos scribit? An non in Synodo ipsa Calchedonenſi, cùm Actione 11. perpoſitum eſſet à Iudicibus, vt *πατριάρχαι ἐκείνης διόκησεως*, vniuſcuiuſque diœceſis Patriarchæ, vnum aut alterum ſibi ex ſua quiſque diœceſi ad componendam fidei formulam adſciſcerent; in Actione v. vbi hæc formula conſcripta eſt, delecti ex Orientali, Pontica, Aſiana, Thracia, & Illyrico leguntur: vt appareat in his ſingulis diœceſibus, atque in Ægypto, quam omittit, ſingulos fuiſſe Patriarchas? Patriarchæ igitur iidem aliquando fuere, qui Exarchi. habes quod optabas? Quid tum verò? An eo factum putas, vt iidem ſemper fuerint, aut tum etiam cùm iidem erant, tres tantùm in Eccleſia, & non quatuor Episcoporum gradus nume-

rati sint? Falleris. Etenim vt Papæ nomen apud Latinos omnium primum Episcoporum nomen fuit, postea proprium & peculiare illius factum est, qui Episcopus est episcoporum: sic Patriarchæ nomen, quod commune aliquando fuerat cum Exarchis, ad eos postea solos translatum est, qui Ecclesiæ primarias quinque sedes regunt. Cæterum vt Romanum inter Pontificem, & reliquos Episcopos, qui tum Papæ, sicut ille, vocabantur, magnum semper fuit apertumque discrimen: ita iidem isti principum sedium Antistites, tum etiā, cū Patriarchæ soli nondum vocabantur, ab iis tamen qui in tertio erant ordine patriarchis & Exarchis distinguebantur, iisdemque honoris & dignitatis gradu præcellebant, & quartum, velis,

nolis, Episcoporum ordinem constituebant. Nisi fortè adeo rerum omnium es expers, vt Cæsariensis, aut Ephesini Episcopi, qui Exarchi diœceseon suarum fuere, parem vnquam cum Antiocheno, vel cum Alexandrino in ecclesia auctoritatem credas fuisse: ac frustra in Synodis œcumenicis primo semper loco quinque Archiepiscoporum, quos dixi, tum deinde Cæsariensis, Ephesini, & reliquorum Exarchorum subscriptiones legi putes, quòd nullũ inter vtroscue discrimen fuisse arbitreris. Sed habes tamen, quo duce pugnes, vincasque, immo triumphes, eundem ipsum Imperatorem Iustinianum. Quid faciemus, inquis, Iust- P. 60.
niano, qui passim in Nouellis *πα-
τεράρχας ἐκείνης διοικήσεως*, vniuf-
cuiusque diœcesis Patriarchas ap- P. 61.

triarchas illum dices alios in Occidente finxisse præter Romanum? Quòd si Lugdunenses & Bituricenses Episcopi Patriarchæ ideo rectè tuo iudicio appellari videntur, quia Primates, cur Patriarchas dici Senonenses non placet, quibus primatum in Ansegiso, & quidem per Galliam & Germaniam, à Ioãne v 111. Papa delatum, testis est Synodus Fontigonensis? An Senonenses fortasse, quòd à sede Apostolica id iuris adepti sint, Primates dici non probas: Aquileienses contrà, quoniam excusso Romanæ sedis imperio schisma fecerunt, & Patriarchæ nomen, vt ἀρχιεπαροι viderentur, vsurparunt, iure factos Patriarchas arbitraris? Verùm ego quo iure, quaque iniuria, Patriarchæ vllivnquam in Occidente appellati sint, non disputo: hoc te

iubeo meminisse, Patriarcham ex
eo numero nullum vnquam sibi
tantum arrogasse, vt se vnus eius-
dem cum Episcopo Romano gra-
dus & ordinis esse cogitaret: insa-
nūque & amentem videri oport-
tere, qui de illis aliter sentiat, cū
Reparatum ipsum videat Cartha-
ginensem Episcopum, quo nullus
certè inter Occidentis Primate vel
vrbis dignitate, vel diœcesis am-
plitudine potior fuit, sua sedi Apo-
stolicæ accepta ferre priuilegia, &
pro his redintegrandis apud Aga-
petum Papam laborare, vt Agape-
ti Epistola 11. declarat. Cū ergo
Primates huiusmodi, vel Metro-
politanos, quamuis Patriarchæ in-
terdum nominentur, à veris Pa-
triarchis diuersos, & inferioris gra-
dus fuisse liqueat, quid nodum in
scirpo, quod aiunt, aut tenebras in

media luce quæris, vt distinctos
Episcoporum ordines confundas,
& cùm de re ipsa constet, de nomi-
ne tergiuerferis?

CAPVT V.

*Patriarcha in Occidente καὶ ἐξ ὧν solus
Pontifex. Specialis eius diæcesis Occidens,
pars vniuersalis. Suburbicaria, & Romana,
& Occidentis Ecclesie, cùm de Patriarchatu
Romano agitur, eadem sunt. Græci ante schis-
ma supremam in vniuersa Ecclesia Pontificis
Romani potestatem agnouerunt.*

RELIQUA est Causidici de Pa-
triarchatu Occidentis alter-
catio. in qua facundus & facetus
homo, nullos ingenij, eloquentiæ-
que suæ neruos non intendit, ar-
gutias etiã, & patrios sales adspersit,
vt doceat malè Papam Occi-
dentis Patriarcham appellari, malè

specialem eius diœcesim Occidentem dici, malè suburbicarias Rufini Ecclesias ad Occidentales omnes Ecclesias transferri. Et non videt acutus orator, si quinque duntaxat in Ecclesia sunt Patriarchæ, quinque primariae sedes, siue *Θεσ-
σοι*, vt multis iam antè probatum est, si quinque *πατριαρχικαὶ κεφαλαι*, vt Syncellus ille in Synodo viii. loquitur, quinque Apostolicæ cathedræ, vt ipsemet professus est, quinque *κατ' ἐξοχὴν* Archiepiscopi, vt Conciliorum fere omnium subscriptiones testatur; atque horum quinque omnium consensione quatuor sunt in Oriente, consequens esse vt quintus totum obtineat Occidentem. Quòd si Occidentis Patriarcha est Pontifex, quid restat, nisi vt specialis, hoc est patriarchica eius diœcesis sit Oc-

cidens, sicut Alexandrini Patriarchæ diœcesis est Ægyptus? Et de Rufino, cùm in Nicæni Canonis expositione suburbicarias Ecclesias ab Episcopo Romano regi scripsit, si omnes patriarchicæ huius diœcesis Ecclesias complecti voluit, quod tuus ipse Coniector affirmat, quis tam vecors, aut amens, ut non sentiat quid necessariò consequatur? Quid ergo salebras in plano quæris? & caliginem tute tibi, ne lucem videas, offundis? Patriarchæ, inquis, in Occidente præter Romanum dicti sunt alij, & dici etiam plures potuerunt. Quid inde? Non hîc illos quærimus, quibus Patriarchæ nomen indulgentius aliquando concessum est: de iis quinque sermo est, qui patriarchæ κατ' ἐξουσίαν appellati sunt, quos solos patriarchas agnouit Iustinia-

nus, à quibus Ecclesia ut *πεντάθετος*, & *πενταρχικός*, sic dici etiam potuit *πενταπατριάρχος*. Huius ordinis ac numeri Patriarcham, quis unquam alium in Occidente finxit præter Romanum? Solus ergo patriarcha Occidentis Pontifex. cuius proinde specialem diœcesim Occidentem dicimus, quatenus hæc à reliquorum patriarcharum diœcesibus distinguitur: cum uniuersalis eius diœcesis, quam ut Pontifex administrat, non Occidentem solum, sed Orientem simul, Ecclesiamque uniuersam completatur. At specialis, inquis, Episcopi Romani diœcesis dici Occidens non potest, quem partem esse uniuersalis satis constat, sicut Libye pars erat Ægyptiacæ diœceseos, quæ ab Alexandrino Episcopo regebatur. Quæso te, vigilasne, cum

hæc scribis, an somnias? Pro Libya dic Ægyptum, & senties quam vim habeat argumentatio. Nam sicut Ægyptus specialis est Prouincia Episcopi Alexandrini, eademque pars totius diœcesis Ægypti, quæ præter Ægypti prouinciam, Libyem quoque ac Pentapolim cōplexa est: sic Occidens specialis est diœcesis Patriarchatus sedis Apostolicæ, idemque pars diœcesis vniuersalis. quemadmodum Episcopi Lugdunensis specialis prouincia est prima Lugdunensis, eademque pars vniuersæ primatis eiusdem diœcesis. Et in exercitu, quod te Censura nostra monuit, si peculiarem cohortis cuiuspiam aut alæ præfecturam subeat Imperator, has speciales Imperatoris copias iure dixeris, etsi partem faciant exercitus vniuersi. Quare non pu-

P. 98.

gnāt hæc inter se, vt vides, sed ne-
 cessariò cōnexa sunt: prorsusq; hal-
 lucinatus es, qui cohærere ista non
 „ posse iudicasti. Quæris deinde,
 „ quoniam suburbicarias Ecclesias
 „ apud Rufinum Occidentis Eccle-
 „ sias interpretati sumus, an eodem
 „ modo, si Romanas Ecclesias dixis-
 „ set, Occidentis Ecclesias interpre-
 „ tari licuerit. Quid ad hoc, inquis,
 „ respondebit? quid reponet? Ar-
 duum scilicet, implicatumque ne-
 gotium, & ex quo nulla Sirmon-
 dus expedire se arte possit. Quid
 enim respondebit? Audire vis? Ine-
 ptos esse qui hoc quærant, qui am-
 bigant, qui Romanæ sedis Eccle-
 sias omnes Romanas dici aut cen-
 feri nolint. Nam cùm Romanæ
Papæ *græci* nomine totum orbem Ro-
 manum comprehendi videas ab
 Athanasio in Epistola ad solita-

rios, & Romanum orbem, Romanasque vrbes, gentes, regiones dici, quæ Romanorum Principum imperio regebantur: cur Romanas dici totius orbis Christiani Ecclesias non placeat, quas omnes vrbis Romæ Episcopo subditas esse constat: in quo vno, vt cum Auito Viennensi loquar, generalis Ecclesiæ residet principatus? Sed Romanam rectè dici Ecclesiam vniuersam soli negant qui in Ecclesia non sunt. Quòd si ex communi hoc capite Romanæ appellari Ecclesiæ omnes possunt, quid vetat quo minus Romanæ peculiariùs nuncupentur, quæ peculiari iure in Episcopi Urbis sunt potestate; atque hoc nomine à ceteris, quæ eodem iure non sunt, distinguantur? Itaque quod de suburbicariis antè dictum est, hoc de Romanis

Ecclesiis statuendum. Vt Romanæ interdum Ecclesiæ dicuntur, quæ in Vrbe sola, Vrbisq; sunt Episcopatu; quo sensu Tiburtinæ, Tusculanæ, Albanæ Ecclesiæ Romanæ non sunt: interdum etiam Romanæ intelliguntur, quæ Prouinciæ Romanæ finibus continentur; quo modo à Romanis Episcopis & Ecclesiis, Italiæ, Campaniæ, Calabriæ, & reliquarum prouinciæ Episcopos & Ecclesias distingui iam audisti: sic Romanas à Rufino dici meritò potuisse omnes Occidentis Ecclesias, quæ in speciali Patriarchiæ Romanæ diœcesi positæ sunt. atque hoc argumento solas Orientales, quæ in hac diœcesi non censebantur, Romanas aut vrbicarias non fuisse. Noli ergo te vexare, vt aliam fuisse Romanam Ecclesiam doceas, aliam Gallicanam,

aliam Africanam. Diuerſas locis, prouinciis, regionibus fuiſſe liquet: omnes tamen in Patriarchatu Romano erant, omnes hoc nomine Romanæ. quemadmodum in Patriarchatu Alexandrino (nam tibi, vt video, carmen idem ſæpius occinédum eſt) alia fuit Ægypti prouincia, alia Libyæ, alia Pentapolis: omnes tamen in Ægyptiaca erant diœceſi, omnes Ægyptiacæ vocabantur.

Quid habes præterea, quo Patriarcha Occidentis eſſe Romanum Pontificem nõ ſatis probatum à nobis in Cenfura crimineris? Quia Græ- “P. 31.”
culis, inquis, teſtibus uſi ſumus. O
religioſæ mentis homines, atque incorruptæ! quibus cum aduerſus Eccleſiam Romanam teſtimonia proferuntur, nullus eſt tam proſtigatæ fidei Phryx, aut Myſus, qui

non omni Aristide ac Socrate sanctior videatur: at pro Ecclesia Romana si quid dicant, quamvis letissimi, atque omni exceptione maiores sint, Græculi sunt omnes. Quid ergo? Græculum vocas Leonem sapientem Imperatorem, cuius tum verbis ostendi Patriarchæ Romani diœcesim ad ultimos Europæ fines olim pertinuisse? aut Græculum nûc dices Iustinianum, quo auctore Patriarcham Romanum toto Occidente vnicum esse didicisti? Sed Zonaram & Balsamonem produxi, homines schismaticos. Magnum certè crimen. Nempe schismatici non erant Nilus & Barlaamus, quos tu longè deterioris atque obscurioris notæ testes laudasti. Verùm hoc etiam interest, quòd huiusmodi homines, cùm aduersus sedem Apostoli-

cam blaterant, audiendi non sunt, quia schismatici: cùm pro illa consentiunt, repudiari veritas non debet, quæ ab aduersariis etiam ipsis expressa atque extorta dominetur.

Ac pudere te profectò, tuique similes par erat: cùm Occidentem vniuersum Patriarchæ Romani diœcesim fuisse schismatici quoque ipsi adstipulentur; tam peruersi animi ac iudicij vos esse, vt specialem hanc diœcesim ceterisimum ab Vrbe lapidem non excessisse contendatis. At Græci, ais, Occi-
dentem Papæ ita concedunt, vt in Oriente nullam illi potestatem esse velint. Quinam Græci? Schismatici. Quid ad nos ergo in schismate suo quid sentiant, cùm aliter ante schisma sensisse Græcos exploratum habeamus? An iuris in Oriente nihil esse Pontifici sentie-

Pag. 36.

bat Theodorus Studita, cūm Paſchalis Papæ opem depoſceret his verbis : βοηθήσον ἡμῖν ὁ ἄνω τῷ θεῷ τεταγμένε eis τῷ π. ὁρεξόν χεῖρα καὶ ἡ ὁσόν οἱ' τε εἶναι. ἔχεις δὲ ἰσχύειν ποιεῖν καὶ ἐν τῷ πομπῶνι θεωρεῖν, ἐν ᾧ καὶ ἐτέθη. *Adiuvā nos, qui has à Deo partes suscepisti. manum prabe, quoad fieri potest. Ex eo enim apud Deum habes potestatem, quia vniuersis prasides, & ad hoc es constitutus. An illum toti Ecclesiæ præesse negabat Maximus confessor, cūm ad Petrum illustrem scribe- ret: Sanctissimæ Romanorum Ecclesiæ beatissimum Papam, id est Apostolicam sedem, ab ipso incarnato Dei Verbo, sed & ab omnibus sanctis Synodis secundum sacros Canones, vniuersarum quæ in toto terrarum orbe sunt sanctarum Dei Ecclesiarum in omnibus & per omniā percepisse & habere imperium? An Occidentis Ecclesiis Episcopi Ro-*

mani potestatem definiebat Patariensis ille Antistes, qui pro Silucrio Papa exule apud Iustinianum, ut Liberatus Breuiarii cap. 22. narrat, intercessit, *multos esse dicens in hoc mundo reges, & non esse vnum, sicut ille Papa est, super Ecclesiam mundi totius, à sua sede expulsus?* Quòd si ad Pontifices Romanos nihil sua pertinere olim credebant Orientales, cur toties à Synodorum suarum sententiis ad sedem Apostolicam appellarunt? Cur Alexandrini, Antiocheni, Constantinopolitani, cum res postulabat, quod sæpissimè accidit, coërceri à Pontifice Romano, excommunicari, abdicari Patriarchas suos flagitarunt? Cur decretis Pontificum, iudicatisque sine controuersia paruerunt? Nisi forte adeo tua sponte factus es immemor omnium, ut de innumera-

bilibus exemplis non aliqua saltem recorderis; nec recurrant animo vel Anthimus Constantinopolitana sede, quam temerè inuaserat, ab Agapeto Papa deiectus; vel ab vno Felice Romano tres Orientis Patriarchæ, Petrus Alexandriæ, Acacius Constantinopoli, Petrus alter Antiochiæ sacra communione pulsi, atque ab Ecclesiasticis diptychis erasi? vel Flauianus ab Ephesina, Chrysostomus à Constantinopolitana Synodo, hic ad Innocentium, ille ad Leonem, Petrique cathedram prouocantes. Quid enim tibi Eustathium Sebastenum in Armenia Episcopum commemorem, quem Basilius Magnus epistola LXXIV. docet, Episcopali honore in Synodo Melitinensi spoliatum, cùm à Liberio Papa reintegrationis literas impetrasset, easque

earque literas Synodo Tyanensi exhibuisset, à Synodo receptum mox fuisse, ac pristinae dignitati restitutum? Quid Athanasium, cuius causa quo minus à Iulio Papa iterum retractaretur, ne ipsi quidem, qui illum in Synodo Antiochena damnarant, repugnare ausi sunt: neque ullis unquam artibus efficere potuerunt, quin à Iulio, eiusque successoribus absolutus, iure optimo absolutus ab Ordodoxis omnibus censeretur? Hæc igitur & sexcenta id genus exempla, hæc nos veterum Orientalium præiudicia & sententias, tibi & consuetaneis tuis opponemus. Ab his enim te, de Romani Pótificis in Ecclesiam vniuersam potestate quis rectè iudicantium sensus olim fuerit, discere oportebat, ab his te doceri, hos sequi, non Græculos

H

114 DE ECCLES. SVBVRB.
schismaticos. Quorum sanè vo-
ces, cùm de Papæ auctoritate agi-
tur, non minùs contemnendæ
sunt, quàm in cæteris Ecclesiæ
controuersis sperni ac reijci so-
lent obstrepentium ineptiæ & de-
liramenta hæreticorum.

FINIS.

**CENSURA
VINDICIARVM**

**Coniecturæ Anonymi
Scriptoris.**

*De suburbicariis regionibus
et Ecclesiis.*

**Auctore IACOBO SIRMONDO
Societ. IESV Presbytero.**



ANONYMO

CONIECTURÆ VIN-
DICIAVMQVE AVCTORI.



DIFFICILE est, Coniector, omnium iudicio. satisfacere. Tu enim, qui te serò in Cōiectura tua confutatū questus es, expostulabis nūc etiam, opinor, Vindiciis tuis non statim occursum esse. Aliis contrà mirum videbitur, cū in his noui nihil adferas, sed *αὐτὰ δὲ αὐτῶν* rursus occentes, adduci potuisse me, vt quicquam omnino responderem. Téperanda itaque consilij mei ratio fuit. vt nec silendo prorsus, expectationem tuam frustrarer: & pauca de multis refel-

H iij

lendo, tuum simul aliorúmque fastidium vitarem. Erunt hæc pauca satis superque, tum vt te in iis etiá, in quibus mirificè tibi places, imbecillitatis tuæ admoneant : tum vt totius Coniecturæ tuæ, Vindiciarumque vanitatem iterum ostendant. Docebunt enim, & circa provinciarum Metropoles, epochámque Synodi Arelatensis, errasse te vbi alios redarguendos putasti ; & tuæ istius Urbicariæ intra Centesimum diœcesis, cùm nulla sit, nec postulari, nec dari à quoquam vindicias posse. Quæ cùm oculos tuos ferient, percellentque, si dissimulare tamen perges, & videre te negabis : tū ego laruæ huius, sub qua lates, vim nouam mirabor, quòd aliis quæ præstare solet vt non videantur, tibi hoc etiam præstet, vt quæ vides non videas.

PERIOCHE SINGVLO-
rum capitum huius Censura.

CAPVT I.

Coniectoris in Vindiciis suis tergiuersatio. In Mæcenatis suaſoria apud Dionem iterum allucinatur. Secundæ appellationes in Prouinciis ab earum Consularibus ad Augustum fiebant, non ad Præfectum Vrbi.

CAP. II.

Dioeceses à spectabilibus tantum viris administratæ. proinde non à Præfectis pratorio, neque à Præfecto Vrbi, qui erant illustres. Coniectoris fallacia in voce Dioecesis. quid propriè significet. Dignitatum tres gradus. triplicis quoque generis administratio, seu dioecesis.

CAP. III.

Metropoles ex legum subscriptionibus certò cognosci non possunt. Vana in eam rem hyemis vel æstatis obseruatio. Coniectore indicio suo captus.

CAP. IV.

Suburbicariæ Cêtesimo non circum-

H iij

scriptæ. Picenum extra Centesimũ, Vmbriæ pars plurima intra Cētesimum. Vmbriæ prouincia semper à Piceno diuersa. Spoletium Vmbriæ oppidum, non Piceni.

CAP. V.

Epocha primi Concilij Arelatensis. Constantinus Magnus huic Concilio non interfuit. Cæciliani & Donatistarum controuersia. Constantini rescriptum ad Synodum Arelatensem. Consules Catholicorum Cōciliis adscribi soliti. Iudicium Constantini, vltimum pro Cæciliano.



CENSURA

VINDICIARVM

Coniecturæ Anonymi

Scriptoris.

*De suburbicariis regionibus
et Ecclesiis.*

C A P. I.

*Coniectoris in Vindiciis suis tergiversatio.
In Macenatis apud Dionem suasoria iterum
allucinatur. Secunda appellationes in Pro-
uinciis ab earum Consularibus ad Augustum
fiebant, non ad Præfectum Vrbi.*

SEPIAS, vbi sensere se ap-
prehendi, effuso atramento
abcondi ferunt. Hoc tu ingenio

in Vindiciis tuis uti, Coniecto, videris: cui vnus hic perpetuò est scopus, ut à te dicta, vel tibi obiecta dissimules, clara & perspicua infusces atque inuoluas, & tum maximè victoriam canas, cum victus iaces. Quid hoc rei sit tute nosti. & si hoc quoque dissimulas, facere tamen non potes, quin ijeriam qui lyncei non sunt facile animaduertant. Prima inter nos controuersia fuit de Mæcenatis apud Dionem verbis libro LII. ecquid ille de causarum appellationibus suadeat Augusto. Tu quæstionem aliò vocas, & quæri vis, an quod suadebat Mæcenas, ab Augusto sancitum sit. Quid hoc ad nos? Non enim id agitur: sed utrùm tu Mæcenatis mentem sis assecutus, cum ad Præfectum Vrbi ab iis de quibus egerat magistrati-

Vindic.
P. 1. 2. 3.

bus prouocationes concedendas censet. Tu de appellationibus, quæ à Prouinciarum magistratibus fiebant, intelligendas putasti. nos, quia de urbanis tantum magistratibus egerat, nondum de prouincialibus, non prouinciales sed urbanas tantum appellationes accipi posse docuimus. Habes tamen hinc etiam quod cauilleris. Quidnam? De prouinciarum quoque magistratibus actum antea fuisse à Mæcenate. Quo loco? Cùm de urbanis, “ inquis, differens suaserit ne urbano “ officio gesto statim in prouincias “ cum armis mittatur. Tuam fidem, Coniecto, si quam habes. Hocci-ne est ratiocinari, an potius otio tuo & charta, atque auribus & oculis nostris abuti? Ergo prouincias nominare est de prouinciarum magistratibus agere, & ad

quos ab illis appellare liceat decernere? Quid ergo sibi vult Mæcenas, cū de Prouinciarum postea iudiciis differens, in his appellationes à prætoriis iudicibus, non ad Præfectum Vrbi, sed ad cuiusque prouinciæ Consularem referendas suadet? Idémne censes esse Cōsularem appellare, quod Præfectum? Non, inquis. sed quid vetat, à prætoriis primum in singulis prouinciis ad Consulares cuiusq; prouinciæ appellatum fuisse, & à Consularibus deinde ad Præfectum Vrbi? O acutum, gnauumque hominem, qui hīc etiam inuenit, quo puram & limpidam aquam turbaret! Sed tibi vni turbidam fecisti. Nam quis præter te non videt quid ibidem Augustum compellans concludat Mæcenas. Δίκαιε δὲ καὶ αὐτὸς ἰδίᾳ πάντε ἐφείσιμα, καὶ τὰ αἰατόμ-

πῶς, ὅσα αὖ πάλαι τε μείζονων ἀρχόντων, καὶ πάλαι τῷ πολίᾳρχου ἀφικυῖται.

Indica, inquit, ipse priuatim quacumque vel à maioribus Magistratibus, vel à Præfecto Vrbi appellationes proficiscuntur. Quo loco μείζους ἀρχοντας, maiores magistratus à Dione dici πάλαι ἀπαυκύντας, Consulares, quorum in prouinciis erant μείζους ἡγεμονίαι, ne tu quidem, si Mæcenatis orationem perlegas, inficiari audebis. Et à Præfecto igitur, ad quem ab urbanis, & à Consularibus, ad quos ab inferioribus prouinciarum iudicibus appellari mos erat, prouocare iterum vt liceret suadebat Mæcenas; sed ab vtrisque ad Augustum. Quare fefellit te acumen tuum, cum à Consularibus ad Præfectum Vrbi appellari posse coniecisti. Atque hoc in peruersa erroris tui defensione consecutus es, vt

qui vno in Dionis loco semel lapsus videbare, non vnus iam, sed multiplicis noxiæ multam debeas.

CAPVT II.

Diœceses à spectabilibus tantum viris regebantur. Proinde non à Præfectis prætorio, neque à Præfecto Vrbi, qui erant illustres. Coniectoris fallacia in voce Diœcesis, quid propriè significet. Dignitatum tres gradus. triplicis quoque generis administratio, seu diœcesis.

DIOECESSES plurium prouinciarum, qualem tu Præfecto Urbis adfingebas, à spectabilibus viris administrari solitas in Censura significauimus. Sensisti hoc telum quò tenderet. Nec enim obscurum erat diœceses, quæ spectabilium tantum essent, Præfecto Vrbi, qui inter illustres cēsebatur,

conuenire non posse. Itaque ut
ictum eludas, diœceses etiã à Præ-
fectis prætorio, quos illustres fuisse
constat, administratas contem-
dis; ut à Præfecto præt. Galliarum
diœceses tres, Galliam, Hispaniam,
Britanniã. Quid hoc verò est aliud,
quàm sepiarum more aquam tur-
bare, & clarę atque apertę luci te-
nebras obducere? Sed ego te, nisi
valde proteruus es, è latebris eruã,
& quam refugis lucem vel inuitum
intueri compellam. Primùm enim,
vnde nunc didicisti, Diœceses à
Præfectis prætorio administratas,
qui nuper in Coniectura tua scri-
pseras, te Præfectos, qui diœceses
regerent, duos tantùm nosse, Præ-
fectum Augustalem, & Præfectum
Vrbi? An cùm inter magistratus,
qui diœcesibus præfuerunt, Præfe-
ctorum Vicarios recēseres, Præfe-

Et si ipsi latere, atque oculos tuos effugere potuerunt? Quis credat! Alia igitur consilij tui ratio in Cōiectura fuit, alia in Vindiciis. Coniecturam nempe cū scriberes, nondum animaduverteras Rectores diœcescōn spectabiles omnes fuisse, non illustres. Hoc te cū Censura nostra commonuisset, Præfecto Vrbi, cui diœcesim adstruebas, ne inter spectabiles illustris solus esset, quærendos ex illustrium ordine collegas censuisti. Itaque Præfectos Prætorio adieciisti; hoc est errorem errore cumulasti. Nam quī possunt Præfectis Prætorio diœceses, de quibus agimus, conuenire, si diœcesim tua ipsius confessione intelligimus iūctarum inter se plurium prouinciarum administrationē? Quia *Præfectos Prætorio, inquis, plures re-*
xisse

xisse diœceses compertum est. Quid
tum verò? An non aliud est Diœ-
cesim vnam plurium prouincia-
rum regere, quales sunt de quibus
differimus, & qualem tu Præfecto
Urbi frustra moliris, aliud diœce-
sibus multis præesse, quarum sin-
gulas aliæ potestates regant? Quæ-
so te, cùm alij sint singularum pro-
uinciarum Iudices, vt Consulares,
Præsides, Correctores, alij Diœ-
ceseôn Moderatores, vt Vicarij,
Comes Orientis, Præfectus Au-
gustalis; an ferendum putes, si quis
Vicarios, alióſue diœceseôn Re-
ctores, prouinciarum Rectoribus
ideo adnumerandos dicat, quia
diœceses singulæ multas prouin-
cias amplectuntur? Rideres profe-
ctò, & meritò rideres. Hunc igitur
qui fucum in prouinciarum no-
mine facere velit, exhibilandum

censeas, te, qui pari fraude in diœ-
cesibus cauillaris, ferri aut latere
posse confidis? Verum quo consi-
lio Præfectos prætorio in confor-
tium adsciueris iam ostendi. Spe-
rasti, si ab his qui illustres erant ad-
ministratas diœceses constaret,
fore ut à Præfecto etiam Vrbi ad-
ministrari potuisse obtineres. Nec
absurdum hoc quidem ex capite
videbatur. At diœceses illustrium
vnquam virorum fuisse, quo au-
ctore confirmabis? An Zenonis
Augusti L. vnica Cod. *Vt omnes iu-
dices*, aut L. vnica Cod. *De ratioci-
niis operum publicorum*, in qua vtra-
que qui diœceses administrât spe-
ctabiles Iudices præcipuo & pro-
prio titulo nuncupantur? An Ho-
norij lege alia, quæ numero est
L. x i. Cod. Theod. *De appellationi-
bus*, in qua Vicarius Urbis nomina-

tim vir spectabilis appellatur? An ex vtriusque imperij Notitia, quæ vniuscuiusque diœcesis Vicario eundem spectabilitatis titulū semper adscribit? Denique cū publicarum administrationum tres præcipuos fuisse gradus non ignores, ac tres itidem dignitatum gradus Iudicum, qui eas sustinebant: cū alij, inquam, clarissimi fuerint, qui singulas prouincias regabant, alij spectabiles, qui diœceses; alij illustres, qui amplissimam per diuersarum diœceseôn tractus potestatem exercebāt: quamcumque in partem te conuertas, facilius sit vt diœcesis nomen, quod secundi generis proprium esse inter nos cōuenit, ad reliquos etiam gradus transferri videas, vt cū pro vnica prouincia sumitur, l. xxxiv. Cod. Theod. *De nauicula-*

riis, aut cùm totam Præfecti prætorio administrationem significat, vt L. 111. Cod. Theod. *De prætoribus & quaestoribus*: quàm vt diœcesim propriè dictam Præfectis prætorio, vel illustri cuiuspiam ludici conuenire, aut ab aliis quam à spectabilibus viris administratam vnquam fuisse comperias. Quare certum est & falli te, qui diœceses illustribus tribuas; & immeritò nos reprehendi, quòd diœceseòn Rectores spectabiles fuisse diximus, non illustres.

CAP. III.

Metropoles ex legum subscriptionibus certo cognosci non possunt. Vana in ea rem hyemis vel aestatis observatio. Coniector indicio suo captus.

IAM vides, opinor, quàm lenem me facilèmq̃ habeas aduersarium, qui cùm Vindicias tuas omni ex parte oppugnare ac refellere possim, de paucis earum capitibus litem moueam. Sed hoc nunc loco non reprehensionem abs te, sed collati beneficij gratiam expectari ac repeti sentio. quam quidem, ne ingratus in te videar, pro eo referam ac mereris. Scripseras

Coniect.
P. 19. 27. 29

in Coniectura tua, vrbes, in quibus acceptæ vel allegatæ leges in Codice significantur, Prouinciarum,

I iij

Cens. Pag.
19. 20.

Vindic. P.
12. 13.

ad quarum Rectores missæ leges
essent, Metropoles fuisse: atq; hoc
argumento Florentiam Tusciæ,
Fanum Piceni, Spoletium prouin-
ciæ suæ caput esse concluderas. Nos
contrà leuem aut potius nullam
esse huiusmodi coniecturam ostē-
dimus. Solitas enim prouincias
suas obire Iudices, & quacumque
in vrbe res tulerat, ibi acceptam
vel allegatam legem adnotare. Ne-
que aliud nos in ea re mysterium
nosse professi sumus. Tu verò sa-
crorum antistes & mystagogus,
arcana mysteria ἐξερχόμενος, id
quod hætenus scilicet ignoraba-
mus nos doces, æstate prouincias
suas obire solitos magistratus; re-
liquo anni spatio in metropolibus
consistere. Proinde cum in Codi-
ce Theod. lex v. *De pactis* ad Con-
sularem Piceni, & lex viii. *De ac-*

cusationibus ad Correctorem Tusciæ, hæc accepta Florentiæ, illa Flauia Fanestri allegata eo tempore dicantur, quo Iudices à primariis urbibus non excedebant, consequens esse, ut Florentia & Fanum suarum prouinciarum metropoles videantur. Et pro hac, ut loqueris, indicina atque in posterum cautione, *μηνυξοι* parari iubes.

Quis recuset? Cùm præsertim alia nos disciplinæ tuæ commoda sperare iubeas, si ingrati non fuerimus. Gratiam ergo, ut dixi, referre paratus sum quam debeo. Sed quo tandem nomine vis deberi? An quia ex Strabone & M. Tullio prouinciarum Præsides æstaté in itineribus ponere solitos docuisti? Atqui hoc ipsū Philippus Berterius in Diatribis suis prior animaduertit. Cur alienæ operæ, obseruationis-

que mercedem flagitas? aut cur in illum ingratus es adeo, ut dissimules? An quia, quod Berterio in mentem non venerat, de tuo adiecisti, ut quacumque in vrbe confedissem per hyemem Præsides, aut legem aliquam à Principe accepisse constaret, eam totius prouinciæ metropolim affirmares? At quî potest ex Strabonis verbis hoc elici, qui Præsidem Hispaniæ scribit in oris maritimis, hoc est nunc vna, nunc alia in vrbe, sed Carthagine potissimum, & Tarracone hyemare consuesse? Quî potest cum Theodosij lege v. *De officio Rectoris prouinciæ* id consentire, qua præcipit, ut in illis quinque urbibus, quæ potiores esse ceteris asseruntur, vicissim hyemandum sibi Iudices recognoscant? Vides ergo, cum diuersis in locis hyemes transegerint, quod de metropoli

coniiciebas, friuolum atque incertū esse. Verū indulgebo hīc etiā tibi, & quod iure inficiari liceret, vltro concedam. Dabo enim dubium non esse, quin vbi accepta hibernis mensibus lex legatur, ea metropolis sit prouinciæ. Dabo etiam, quod Italis ægrè persuaderes, in hibernis mensibus censerī Aprilem posse, quo exeuntē Flauia Fanestri allegata dicitur lex v. *De pactis*: atque hiberno etiam aliquo mense acceptam Florentiæ alteram *De accusationibus* legem fuisse; tametsi quo mense accepta sit, nullum in ea sit vestigium. Dabo denique vtriusque legis indicio Florentiam Tusciæ caput iam tum fuisse, ac Fanum Piceni metropolim, non Auximum, vt Procopius docet Belli Gothici libro 11. De Spoletio, quod eodem argumento

fuæ quoq; provinciæ metropolim
adserebas , in hoc loco cur files?
Etenim Cōiecturæ tuæ cap. v. Dis-
sertationis 1. verba sunt: *Spoletium*
metropolim fuisse ostendit subscriptio le-
gis v. Cod. Theod. De medicis & pro-
fessoribus , hæc videlicet , ACCEPTA
SPOLETIO. Quo die accepta?
quo mense? cur hoc astutè præter-
mittis? Sic enim habet: ACCEPTA
IV. KALENDAS AVGVSTAS
SPOLETIO. Dic , fodes , Iulius
mensis apud vos hibernus est men-
sis , an æstivus? Profectò si metro-
poles ex hiberni temporis nota dis-
cernuntur , quo Iudices in illis
commorari solebant ; ex ea lege,
quam summa æstate acceptam li-
queat , quo tempore provincias
obire & concurfare mos erat , me-
tropolim Spoletium fuisse argu-
mentari non licet. I nunc ergo , &

indicinæ tuæ mercedem exposce.
Nam indicio tuo, mi Coniector,
tanquam forex periisti.

CAP. IV.

Suburbicaria Centesimo non circumscripta. Picenum extra Centesimum erat, Umbria pars plurima intra Centesimum. Umbria prouincia semper à Piceno diuersa. Spoletium Umbria, non Piceni.

QUID à me nunc expectas? An
vt ea quæ deinceps de Sub-
urbicariarū regionum situ & nu-
mero disputas, iterum, excutiam?
Quid opus est iam prostrata & e-
uerfa nouis machinis oppugnare?
Suburbicarias vis omnes esse, quæ
centesimo ab vrbe lapide conti-
nentur, extra hos fines ac terminos
nullas esse. Hoc ergo in Censura
pridem falsum esse docui, & pro-

Vindic.
Pag. 14.

ximè in Aduentoria, aduersus illum, qui te frustra nuper aduētitiis copiis iuuare conatus est, liquidò confutauī. Picenum enim, quod suburbicarium fuisse inficiari non potes, extra Centesimum esse ostendi: Vmbriam contrà, quam suburbicariam fuisse negas, Centesimo comprehendi. Quid habes quo arietis huius vim atque impetum subterfugas? Enimuero etiam qui Italiam non viderunt, facile tamen in antiquis Itinerariis animaduertunt, cū iter olim ab vrbe Roma in Picenum duplex fuerit, vnū Anconam versus per Vmbros, alterum Hadriam vsque per Sabinos; ex vtriusque itineris rationibus constare, Piceni fines ultra Centesimum positos fuisse. Hadriam enim per Sabinos, vt Æthicus describit, iter hoc erat.

AB VRBE HADRIAM VSQVE
M. P. CLXVI. sic

<i>Eretum</i>	M.P.	XVIII.
<i>Vicum novum</i>	M.P.	XIV.
<i>Reate</i>	M.P.	XVI.
<i>Cutilias</i>	M.P.	XVIII.
<i>Interocrium</i>	M.P.	VI.
<i>Falacrinum</i>	M.P.	XVI.
<i>Vicum Vatia</i>	M.P.	IX.
AD CENTESIMVM	M.P.	X.
<i>Asculum</i>	M.P.	XII.
<i>Castrum Truētinum</i>	M.P.	XX.
<i>Castrum novum</i>	M.P.	XII.
<i>Hadriam</i>	M.P.	XV.

Horum quæ hîc vides ante Asculum, Piceni nobilissimam coloniam, oppidum nullum est in Piceno : quæ Asculum præcedunt, Sabinorum sunt omnia. Cùm igitur ante Asculum, hoc est ante Piceni exordium, centesimû ab Vrbe

lapidem notatum videas, quid exploratius, quàm Piceni regionem ab hac quidem parte, totam extra Centesimum sitam esse. Quid verò ab altera parte, qua Anconā per Vmbros iter est via Flāminia, propiusne abesse Picenum Roma censes? Interualla metire, & ad calculos reuoca.

AB VRBE ANCONAM.

Ocricolos M. P. XLVII.

Narniam M. P. XII.

Ad Martis M. P. XVIII.

Mewaniam M. P. XVI.

Nuceriam M. P. XVIII.

Dubios M. P. VIII.

Prolaqueum M. P. VIII.

Septempedam M. P. XV.

Trea M. P. IX.

Auximum M. P. XVIII.

Anconam M. P. XII.

Si rectè summam subduxeris,

ab vrbe Roma Nuceriam vsque millia passuum colliges cxi. Nucерinos autem cognomine Fauonienſes, eorúmque urbem Nucерiam coloniam in Umbriæ urbi- bus numerari nemo nescit. Quòd si vltra Centesimũ ab vrbe lapidem Umbria porrigitur, quis erit adeò vecors, vt Piceni regionem, quæ post Nucерiam Apennino monte ab Umbria diuiditur, intra Centesimi fines positam dici posse arbitretur? Et Picenum igitur totum quantum est extra Centesimum est situm, & Umbria ab Ocricolis Nucерiam vsque intra Centesimum. Quo constituto, quis non intelligat, tuam istã Præfecti Urbis diœcesim; quam Centesimi spatii ita definiebas, vt omnes eius partes occuparet, cùm ab illa Umbriam excludas, & Picenum in ea com-

prehendas, commentitiam totam
& figmenti similem videri? Sed
inueneras tamen, cuius auctoritate
fabulam fulcires, agrimenforem
Balbum, qui tibi Spoletium, quod
in media est Vmbria, Piceni urbem
esse affirmaret. Vnde Picenum,
quod suburbicarium appellatur,
in Vmbria ipsa, atque intra Cente-
simum collocabas. Quod nos cum
futile ac ridiculum esse in Césura
docuerimus, audes nunc tamen
Balbum tuum vindicare: nec dubi-
tas; quin Spoletium Piceno, quo-
niam Balbus ita sensit, adscriben-
dum videatur. Itane verò! quia Bal-
bus sensit, ideo verum iudicas? Quid
ergo vetat, quin pari ratione His-
paniam quoque non regionem, sed
urbem vnicam cum Ephoro apud
Iosephum dicas fuisse; aut Rhoda-
rium fluvium cum Eridano con-
fundas

fundas , quoniam hos Apollonij
 Argonauticōn Scholiaſtes non di-
 ſtinxit? Nimiū certè religioſus es
 non bonorum auctorum confe-
 ctator. Quanquam niſi me animus
 fallit , non tam ſpectaſti , vt cum
 Balbo ſentires , quā vt illum te-
 cum ſenſiſſe perſuaderes. Poteras
 exemplo noſtro Balbum ab erroris
 ſuſpicionē liberare. Sed maluiſti
 quem illi errorem affinxeras , quo-
 niam ita res tua poſtulabat , mor-
 dicus tenere. Italiae, inquis, prouin- Vindie.
P. 25.
 cia non ad vnius tēporis rationem
 æſtimandæ. Sæpius enim in plures
 diuiſæ ſunt: sæpius earum termini,
 finesque confuſi. Quid tum verò?
 An vlla vnquam ætas fuit, qua Pi-
 cenum in Vmbriam tranſcenſo
 Apennino demigrarit , vt Spole-
 tium, quod Vmbriae ſemper fuerat,
 in Piceno eſſe dici poſſet? Quis vn-

quam auctor Picenum ab Vmbria non discreuit? An Polybius, apud quem Hannibal libro iii. post pugnam Trasymenicam, *διγυύσας πλωτῆς Ἰσθμόρων καλυμένω χόρῳ, καὶ πλωτῆς Πικέντων*, per Vmbriam & Picenum Hadriam versus iter instituit? An Strabo, cui *Καμέρτη τῆς Ομβρικής πόλις ἔστιν ἐν αὐταῖς τοῖς οὐρίστοι πλωτῆς Πικεντίνω ὄρεσιν*, Camerinum Vmbriæ est oppidum in ipsis montibus qui Picenum ab Vmbria determinant? An Ptolemæus, qui post Vmbrorum *Ουιτόμωρων* oppida, & in his Spoletium, mox deinde *Πικηνῶν* Picentum vrbes enumerat? An Codices legum, aut Imperij Notitia, aut Inscriptiones antiquæ, in quibus innumera sunt exempla, quæ hoc inter cetera vtriusque prouinciæ discrimen docent, quòd Vmbria cum Tuscia per Cor-

rectorem, Picenum per Consularem regebatur? Quæ cùm ita sint, cùm ætatum omnium consensu aliud sit Vmbria, & aliud Picenum, Spoletiumque Vmbriæ omnes asserant, non Piceno, cuiquàmne hominum Balbi vnus tam incerto testimonio, Piceni, Vmbriæque confusas regiones, & Spoletium in Picenum ex Vmbria translatum persuaderi posse arbitraris? At ego ne tibi quidem, si me ingenij tui coniectura non decipit, hoc satis persuasum puto. Sed indulgendum videlicet causæ fuit: tanti erat diccesim Præfectianam intra hos fines effingere. aliter illa redigi ad Centesimum non poterat. Quid verò tandem es affecutus? Consilium tuum vt cordati mirètur omnes, laudet nemo: quòd nouæ atque inauditæ fabulæ tam absurdis

reprehensionem nostram, vt quæ in illum iam dicta sunt, in te quoque omnia conueniant. Vnum est præcipuè tuum, quod nefas sit præterire. Cur enim de Synodi primæ Arelatensis epocha te docentem non audiam, qui audire me velle antea professus sum, & nunc vt discam purgatis auribus adesse iubes? Scire auebam autem, quid causæ esset, quamobrem tu Synodum illam non anno Christi cccxiv. vt Volusiani & Anniani Consularatus indicabat; sed biennio post anno cccxvi. habitam contendas. Rem tam multis & tam certis argumentis comprobasti, vt ambigi non liceat; tam asseueranter, vt ex tripode loqui videare. Denique Synodum hâc in annum cccxvi. necessariò conferendam putas. Quid ita? quia Constantinum, in-

„ quis, ex Codicis Theodosiani sub-
 „ scriptionibus liquet anno CCCXIV.
 „ Treuiris Augusto mense, hoc est
 „ indicti Concilij tempore fuisse, an-
 „ no CCCXVI. Arelate. Quid tum in-
 „ de? An quia Imperator Arelate
 „ illo anno fuit, propterea Conci-
 „ lium illo anno celebrari oportuit?
 „ aut quia idem anno CCCXIV. apud
 „ Treuiros erat, idcirco Arelate Cō-
 „ cilium illo absente cogi non po-
 „ tuit? Non potuit, inquis, quia Con-
 „ cilio Arelatensi *Constantinum magnum*
 „ *interfuisse certum est.* Quo teste id
 „ probas? Eusebio in vita Constanti-
 „ ni lib. I. cap. 37. & 38. Tuam iterum
 „ hoc loco fidem, Coniecto. Vl-
 „ lūmne in his locis verbū est, quod
 „ Constantinum in Concilio Arela-
 „ tensi interfuisse significet? Si sciēs
 „ nō fallis, redi in memoriam. Prio-
 „ re loco Constantinum in Synodo

Nicæna inter Episcopos confedis-
se narrat. de illa enim agi obscu-
rum non est: quot enim aliæ Sy-
nodi fuerunt, quibus non inter-
fuit? Posteriore in componendis
Africæ dissidiis laborasse testatur:
sed Synodum in ea re nullam com-
memorat. Cur Eusebio affingis,
quæ ab Eusebio scripta non sunt?
Poteras sanè alios testes laudare,
qui id ipsum, quod Eusebio tri-
buis, ætate nostra scripserunt. Sed
pudebat nimirum, si per illos pro-
fecisse videreris. Ceterum quod tu
cum illis certum putas, in Synodo
Arelatensi Constantinum inter-
fuisse; ego contrà certissimum du-
co non interfuisse. Et quoniam
quæ pro tua sententia facere iudi-
cabas exposuisti; nunc æquum est,
ut pro nostra nos loquētes audias.
Tuæ postea erit industriæ, videre

an nostra nos coniectura fallat, an te tua. Quibusnam ergo me rationibus ductum censes, vt Constantinum à Synodo Arelatensi abfuisse dicam? Quia ex Synodo illa ad Cōstantinum appellatum est; quia Episcopi Synodo peracta de Synodi euentu ad Constantinum rerulerunt; quia Constantini extat rescriptum ad Episcopos, quo illorum relationi respondet. Cū in iudicio appellari nisi ad absentes non soleat, nec referri nisi ad absentes, nec rescribi; si de his tribus constabit, quid amplius desiderabis, vt absentem fuisse Constantinum intelligas? Reuoca igitur animum ad Cæciliani Episcopi, & partis aduersæ causam, quæ tum agebatur. Hanc triplici iudicio examinatam decisamque comperies. Primū Romæ ab Episcopis Gal-

liæ & Italiæ coram Melchiade: deinde ab Episcopis iterum Arelate; postremo ab Imperatore ipso Mediolani. Auctor & testis est multis in locis S. Augustinus, tum maximè in Epistola LXVIII. quæ cleri Hipponensis nomine scripta est ad Ianuarium Episcopum. *Inquit, Imperator venire partes ad Episcopale iudicium in vrbe Roma faciendum. vbi quemadmodum causa dicta atque finita sit, indicant gesta Ecclesiastica. Iam utrique post pacificum moderamen Episcopalis iudicij, omnis contentio- nis & animositatis pertinacia debebat extinguui. Sed rursus maiores vestri ad Imperatorem redierunt, & non recte iudicatum, neque omnem causam audita esse conquesti sunt. Vnde ille alterum Episcopale iudicium dedit habendum in Arelatensi Gallia ciuitate. Vbi multi vestri vana & diabolica dissensione*

*damnata cum Cæciliano in concordiam redierunt. Alij verò pertinacissimi & ligiosissimi ad eundem Imperatorem appellauerunt. Postea & ipse coactus Episcopalem causam inter partes cognitam terminauit, & primus contra vestram partem legem constituit, vt loca congregationum vestrarum fisco vendicarentur. Audis de Romano iudicio conquestos esse Donatistas, ab Arelatensi autem ad Constantinum appellasse? Idem iterum Augustinus, sed paucis, libro 11. contra literas Petiliani cap. xcii. *Petētibz*, inquit, *maioribus vestris* Episcopale iudiciū dederat *Constantinus & apud Romā, & apud Arelatum. quorū primum apud eū accusastis, ab altero ad eum appellastis.* Eadem rursus in aliis epistolis repetit, CLXII. CLXV. CLXVI. CLXVII. CLXXXI. eadem in aliis libris. Sed quid opus est ad eam rem Augusti-*

nitestimonia congerere, cū ex-
tet, vt dixi, Constantini ipsius ad
Episcopos Concilij Arelatensis
Epistola, in qua de iis qui in con-
cordiam cum Cæciliano redierant
gratulatus, reliquos qui appella-
rant notissimis illis verbis detesta-
tur, *O rabida furoris audacia! sicut in
causis gentilium fieri solet, appellationem
interposuerunt?* Agnoscis enim, ni
fallor, decantatam à multis, & ab
Optato historiæ suæ inditam ex-
clamationem. Quam quidem qui
ad Synodum Romanam Melchia-
dis referendam censuerunt, non
animaduenterant scilicet, nullos in
Synodo illa aduersarios pacatos,
nullos ad Imperatorem prouocas-
se perhiberi. Tu verò, quæ ingenij
perspicacitate ac solertia, nisi
quid δουλεύων ὑποφύσει dissimulas,
minimè in posterum dubitabis,

quin hoc vno huius Epistolæ argumento Constantinum in Synodo Arelatensi, vnde ad ipsum appellatum sit, non interfuisse constet: frustra que te in relegendis per singulas legum subscriptiones regionum itinerum vestigiis desudasse, vt Constantinum Arelate anno CCC xiv. non fuisse concluderes, & Concilium illo anno coactum, aduersum certissimam adfixi Consulatus notam pernegares. Quid enim est, quod de Consulibus adscriptis tenebras offundere & obscurare conaris? Neque moror, inquis, Arelatensi Concilio subscriptos vulgo Consules. Notum est characterismos temporum in Conciliis sæpe corruptos, dum eos imperiti supplere voluerunt. Quænam hîc tua est mens? Negas Consules antiquis Conci-

liis apponi solitos? Conuincet Augustinus, qui in Breuiculo Collationis, Catholicorum Concilia Consules & dies semper habuisse testatur. An Volusianum & Annianum, qui anni CCCXV. Consules fuerunt, Concilio Arelatensi perperam suppositos caufaris? Reclamant vetustissima, aut omnium potius ætatum exemplaria, quæ hos Consules constantissimè repræsentant. Memorantur, inquis, ab Augustino, in libro contra Donatistas post Collationē, cap. XXIII. literæ Constantini ad Eumelium Vicarium Africæ, Sabino & Rufino Cōsulibus, id est anno CCCXVI. data de purgatione Cæciliani in Concilio Arelatensi. At ego non solum memorari ab Augustino lib. III. contra Cresconium cap. LXXI. easdem Constantini literas

memini, sed aliquot etiam illarum verba recitari : in quibus se non in Concilio Arelatensi, vt tibi visum est, sed post Episcopalia iudicia, id est post Synodos duas, Romanam & Arelatensem, inter partes vltimo iudicio cognouisse, & innocentem Cæcilianum cōperisse significat. Quod in Breuiculo etiam Collationis apud eundem Augustinum aliquanto apertiùs expressum est: *Et recitatum est, inquit, iudicium Constantini, quemadmodum se inter partes causam Cæciliani cognouisse, & ad Eumelium Vicarium Africa scripsisse, quòd remotis omnibus arbitris Cæcilianum innocentem, illos calumniosissimos cognouisset, testatus est. commemorans etiam in Arelatensi oppido pro Cæciliano Episcopale iudicium: cui iudicio iam plurimi ex dissensione consenserant, reliquis adhuc resistentibus & dis-*

cordantibus. Quocirca præcessit omnino Synodus Arelatensis iudicium Cōstantini : illa Volusiano & Anniano Coss. hoc biennio pōst Sabino & Rufino Coss. Longum enim tempus intercessisse, dum conuocantur ex Africa partes, & Romam primū, deinde Mediolanum, vbi peracta res est, conuenire iubentur, declarat in primis Epistola CLXII. Augustini. Præfuisse autem iudicio suo Constantinum vt dubitat nemo : ita Synodo non interfuisse, quantumuis repugnes, luce clariū ostendunt quæ dixi. neque tu hanc lucem poteris, rotam effundas sepiam licet, vllō dissimulationum tuarum atramento infuscare.

FINIS.

Errata.

Pag. 15. Namneticæ. 34. emphyteuticariis.
50. litteris eius causæ. 64. lis fuerit. 85. pro-
priè & κατ' ἐξοχήν dicta fuisse. 134. ἐξοπλούητος.
139. iterum excutiam.

